


ভারত মহিলা ।

বীহরপ্রসাদ শাস্ত্রী, এম্ এ, প্রণীত ।

তৃতীয় সংস্করণ ।

সমস্ত সংশোধিত ।



HARE PRESS : CALCUTTA.

1891.



ভারতমহিলা ।

প্রথম অধ্যায় ।

আম দিগের প্রাচীন পণ্ডিতরা স্ত্রীলোকদিগের চরিত্রবিষয়ে কতদূর উৎকর্ষ করিয়া কবিত্তে পারিয়াছিলেন, তাহা অবগত হইতে হইলে প্রথমতঃ তৎকালে স্ত্রীলোকদিগের সামাজিক অবস্থা কিরূপ ছিল তাহার পর্যালোচনা করা আবশ্যিক । সে হেতু কর্তব্যশক্তি যতদূর তেজস্বিনী হউক না কেন, যতই নূতন নূতন পদার্থ নিম্মানে সমর্থ হউক না কেন, উহা কবির সম-
কালীন সামাজিক অবস্থা অতিক্রম করিয়া যাইতে সমর্থ হয় না । অতএব আমরা এই প্রবন্ধের প্রথমভাগে তৎকালীন স্ত্রীলোকদিগের সামাজিক অবস্থা নির্ণয়ে প্রবৃত্ত হইব । পরে বাস্কীকি, বেদব্যাস, কালিদাস প্রভৃতি প্রসিদ্ধ কবিগণের

ব্রহ্মাবলী হইতে কতকগুলি শ্রেণিক জীলোকের চরিত্র সমালোচনা করিব ।

(সামাজিক অবস্থা জানিবার উপায়)

সেই সামাজিক অবস্থা জানিবার নানা উপায় আছে । প্রথমতঃ বেদ, দ্বিতীয় শ্রুতি, তৃতীয় পুরাণ এবং চতুর্থ তন্ত্র । কিন্তু এই সকল গ্রন্থের কোন স্থানেই জীলোকের সামাজিক অবস্থা একত্র বর্ণিত নাই । নানাস্থান হইতে সংগ্রহ করিয়া লইতে হইবে । বিশেষতঃ পুরাণের অধিকাংশ আবার কবিকল্পনাসম্বৃত । শ্রুতরাং উহাকে কোনরূপেই প্রকৃত সমাজচিত্র বলা যায় না । বেদ ও তন্ত্র, উপাননা প্রণালী ও অন্যান্য ধর্মসংক্রান্ত কথাতেই পূর্ণ । কেবল শ্রুতিসংহিতাসকলেই প্রকৃত সমাজের স্বার্থ বিবরণ পাওয়া যায় । বর্ণধর্ম বর্ণন করাই শ্রুতিশাস্ত্রের উদ্দেশ্য । অতএব উহা হইতে আমাদের প্রমাণ প্রয়োগ অধিক পরিমাণে সংগৃহীত হইবে ।

(জীলোকদিগকে সাবধানে রক্ষা করিতে হইত)

প্রাচীন ঋষিগণ জীলোককে বাবজীবন পুরুষের অধীন করিয়া গিয়াছেন । জীলোকের স্বাধীনতা নাই, “ন জী স্বাতন্ত্র্য মর্হতি” ইহা সকল ঋষিই মুক্তকণ্ঠে স্বীকার করিয়া গিয়াছেন । মনু বলেন, “জীলোকের অভিভাবকেরা তাহাদিগকে দিন রাত্রি আপনাদের অধীনে রাখিবে । নিয়মমত বিশ্রামসময়েও জীলোকদিগকে তাহাদিগের রক্ষাকর্তার নিদেশমত কার্য করিতে হইবে ।” যাজ্ঞবল্ক্য বলেন, “পিতা মাতা বাল্যকালে, স্বামী যৌবনে ও বৃদ্ধাবস্থায় পুত্রেরা জীলোকের

রক্ষণাবেক্ষণ করিবে । ইহাদের অভাব হইলে, আত্মীয় বান্ধবেরা উহাদিগের রক্ষা করিবে । জীলোক কোন মতেই স্বাধীন হইতে পারিবে না ।” বৃহস্পতি বলেন, “শত্রু অথবা অন্ত কোন প্রাচীন জীলোক তরুণবয়স্ক জীলোকদিগকে সর্বদা পর্যবেক্ষণ করিবে ।” নারদ বলেন, “যদি স্বামীর বংশ নিশ্চূল হয়, অথবা জ্ঞাতিরা উহাকে রক্ষণাবেক্ষণ করিতে সমর্থ না হয়, তবে সে পিতৃকুল আশ্রয় করিবে । পিতৃবংশ নিশ্চূল হইলে, রাজা জীলোকের রক্ষক হইবেন । যদি ঐ জীলোক ধর্মবিরুদ্ধগথ-গামিনী হয়, তবে রাজা তাহাকে শাসন করিবেন ।” পৈঠীনসি বলেন, “জীলোকদিগকে সর্বদা সাবধানে রাখিবে ।” • এই সকল বচন দৃষ্টে স্পষ্টই বোধ হয়, যে ঋষিরা পরম যত্নে ও সাবধানে জীলোকদিগকে রক্ষা করিবার ব্যবস্থা করিয়া গিয়াছেন ।

(জীলোক অবরোধবর্তী ছিল না)

যদিও জীলোকের রক্ষার জন্য ঋষিরা এত ব্যগ্র, কিন্তু তাহা বলিয়া জীলোক যে অবরোধবর্তী থাকিতেন তাহারও কোন প্রমাণ পাওয়া যায় না । প্রত্যুত দেখা যাইতেছে, সীতা রামের সহিত বনগমন করিয়াছিলেন । দ্রৌপদীও পঞ্চপাণ্ডবের অনৃষ্টভাগিনী হইয়াছিলেন । ব্রাহ্মণকন্তারা ত কখনই অবরুদ্ধ ছিলেন না ও থাকিতেন না । মহাভারতীয় দেববানী উপাখ্যান পাঠ করিলেই তাহা হৃদয়ঙ্গম হইবে । কাব্যগ্রন্থসকলে যে “শুদ্ধান্ত,” “অন্তঃপুর,” “অবরোধ,” ইত্যাদি শব্দ প্রয়োগ দেখা যায়, তাহাতে এই বোধ হয় যে, ক্ষত্রিয় রাজাদিগের গৃহিনীরাই •

অবরোধবর্তিনী ছিলেন। বাহারা ৭০০।৮০০ বিবাহ করিবে তাহাদের অবরোধ স্তত্রাং প্রয়োজনীয় হইয়া উঠে। কিন্তু আর্থাগণ প্রায়ই একটীমাত্র বিবাহ করিতেন এবং নিশ্চল গার্হস্থ্য স্থলের অধিকারী ছিলেন। স্ত্রীলোকদিগের প্রতি তাঁহারা সর্বদা ভাল ব্যবহার করিতেন। মনু বলিয়াছেন, “যে গৃহে স্ত্রীলোকেরা অসন্তুষ্ট থাকে, সেখানে কখনই ভদ্রস্বতা নাই।” স্ত্রীলোক যে অবরোধবর্তী ছিল না তাহার আবেদন প্রমাণ এই যে অরুক্ষতী সর্বদা সপ্তর্ষিদিগের সমভিব্যাহারিণী থাকিতেন। রাজাদিগের প্রধানা মণিষী প্রায়ই সিংহাসনার্দ্ধভাগিনী হইতেন। আর “সস্ত্রীকো ধর্ম্মমাচরেৎ” এই এক নিয়ম থাকার প্রায় সকল ধর্ম্ম কন্ঠেই স্ত্রীলোকেরা পুরুষদিগের সচিত্ত সভার উপস্থিত হইতেন। যাজ্ঞবল্ক্য লিখিয়াছেন, “স্বামী বিদেশে গেলে স্ত্রী পবের বাটা বাইবে না, কোন সমাজ বা উৎসবস্থলে উপস্থিত হইবে না। ক্রীড়া করিবে না, হাস্য করিবে না, এবং শরীরসংস্কার করিবে না।” অতএব, স্বামী গৃহে থাকিলে, স্বামীর অকুমতি লইয়া স্ত্রী সর্বত্র গত্রায়ত্ত করিতে পারিত, তাহাতে কোন সন্দেহ নাই। *

(স্ত্রীলোকদিগের বিদ্যা শিক্ষা)

“কস্ত্রাপোবং পালনীয়া শিক্ষনীয়াতিযত্নতঃ”—যেমন পুত্রের শিক্ষাদান আবশ্যিক সেইরূপ স্ত্রীলোকদিগেরও শিক্ষাদান আব-

* ক্রীড়াঃ শরীরসংস্কারং সমাজোৎসবদর্শনম্ ।
হাস্যঃ পরগৃহে বানং ত্যজেৎ প্রোষিততর্জক। ।

শ্রুত । এই শিক্ষা কিরূপ ? হ্রুহ শাস্ত্র বেদ তিন জীলোকে সকল শাস্ত্রেই অধিকারী । কিন্তু আমরা দেখিতেছি গার্গী প্রভৃতি জীলোক বেদেও সম্পূর্ণ অধিকারিণী হইয়াছিলেন । এবং একস্থলে দেখা যায় মহর্ষি বাঙ্কদেব, জীলোকদিগকে বেদে উপদেশ দিতেছেন । বেদ দুই প্রকার, কর্মকাণ্ড ও জ্ঞানকাণ্ড । উহার মধ্যে জ্ঞানকাণ্ড অতি হ্রুহ, কিন্তু গার্গী যাজ্ঞবল্ক্যের নিকট জ্ঞানকাণ্ডেই উপদেশ পাইয়াছিলেন । ভবভূতি প্রণীত উত্তর-চরিত নাটকেও দেখা যায় যে, একজন তাপসী বেদান্ত অর্থাৎ বেদের জ্ঞানকাণ্ড অধ্যয়ন করিবার জন্য বান্দীকি মুনির আশ্রম হইতে আশ্রমাতুর গমন করিতেছেন । উক্ত মহাকবির আর একখানি নাটকে কামন্দকী, ভূরিবসু ও দেবদাত নামক দুই জন প্রসিদ্ধ অমাত্যের সহাধারিণী ছিলেন । এস্থলে সন্দেহ হইতে পারে যে, কামন্দকী বৌদ্ধধর্মাবলম্বিণী কিন্তু তিনি যে সময়ে লেখাপড়া শিখিয়াছিলেন তখন তিনি বৌদ্ধ-ধর্মাবলম্বিণী ছিলেন না । মালবিকাগ্নিমিত্র নাটকের পণ্ডিত কোষিকী স্বকীয় বিদ্যাবত্তা প্রযুক্ত পণ্ডিত উপাধি প্রাপ্ত হইয়াছিলেন । তিনি বাগ্যকানে তিন্দু ছিলেন তাহাতে কোন সন্দেহ হইতে পারে না । সুতরাং বোধ হইতেছে অতি প্রাচীনকালে জীলোক ও পুরুষ উভয়েই সমানরূপে বিদ্যাভ্যাস করিতে পারিতেন । আমাদের দেশে যে জীশিক্ষার বিরোধিতা দৃষ্ট হয়, তাহার কোন কারণ দেখিতে পাওয়া যায় না । পার্শ্বতী বাল্যকালেই নানা বিদ্যায় পারদর্শিনী হইয়াছিলেন । বিদ্যাবিষয়ে জীলোকেরা যে কতদূর উন্নতিসাধন করিয়াছিলেন নিম্নলিখিত তালিকা হইতে তাহার কতক অবগত হইতে পারা যায়--

বিশ্বদেবী গঙ্গা বাক্যাবলী নামক একখানি স্মৃতি সংগ্রহ রচনা করেন। লক্ষ্মী দেবীর শ্রীমত মিতাক্ষরার টীকা অদ্যাপি প্রচলিত আছে। উদয়নাচার্য্যের কন্যা লীলাবতী, গণিতশাস্ত্রে অতি প্রসিদ্ধ পণ্ডিত ছিলেন। শঙ্করবিজয় গ্রন্থের শেষভাগে লিখিত আছে, শঙ্করাচার্য্য মণ্ডনমিশ্রের সহিত বিচারে প্রবৃত্ত হইলে মিশ্রপত্নী নারসবাণী তাঁহাদের বিচারে অধাস্ত ছিলেন। কর্ণাটদেশীয় রাজার মহিষী কবিভবিষয়ে কানিন্দাসের প্রতিদ্বন্দ্বিনী ছিলেন। বল্লালসেনের পুত্রবধূও কবিতা রচনা করিতে পারিতেন বলিয়া প্রসিদ্ধি আছে। সত্ৰুকর্ণামৃত গ্রন্থ :২০৫ শ্লোক অর্থে লিখিত হইতে উহাতে তৎকালপ্রসিদ্ধ কবিগণের ৫টি করিয়া কবিতা উদ্ধৃত আছে। এই কবিবৃন্দের মধ্যে ভাবদেবী, চণ্ডালনিদ্যা, মাটোপা, শিলা, ভট্টারিকা, বিদ্যা, বিজয়া, বিকটমিত্রা ও ব্যাসপাদা এই কয় জনের নাম আছে। ইহারা তৎকালে কবি বলিয়া প্রসিদ্ধ ছিলেন।

(স্ত্রীলোকের বিবাহ)

পিতা উপযুক্ত পাত্রে কন্যা সম্প্রদান করিবেন, ইহাই সকল মুনির মত। কিন্তু কন্যাকাল উত্তীর্ণ হইলে যদি পিতা বিবাহ দিবার কোন উদ্যোগ না করেন, তাহা হইলে কন্যা ইচ্ছামত পাত্র মনোনীত করিয়া লইতে পারিবে (মত্ৰ)। উপযুক্ত পাত্রে কন্যাদান করিলে অক্ষয় স্বর্গলাভ হয়, নচেৎ নরকে যাইতে হয়, এই নিয়ম থাকায় অল্পযুক্ত পাত্রে কন্যা সম্প্রদান প্রায়ই ঘটিত না। বিশেষতঃ বরের গুণাগুণসম্বন্ধে বাস্তবদ্যে বেরূপ কষ্টিন নিয়ম সংস্থাপন করিয়াছেন, তাহাতেও অপাত্রে কন্যাদান ঘটিলে উঠা ভার হইত। তিনি বলিয়াছেন,

“নানাশুণবিশিষ্ট বেদবিৎ সমান বর্ণের পুরুষ বর হইবে । তাঁহাকে বরপূর্বক পরীক্ষা করিতে হইবে তিনি যেন যুবা ধীমান ও লোকের প্রিয় হন ।”

যাজ্ঞবল্ক্যসংহিতার প্রসিদ্ধ টীকা মিতাক্ষরাগ্রছে এই বচনটির বিশিষ্টরূপ ব্যাখ্যা আছে. যথা, “যুবা,” অর্থাৎ পিতা অতীতবয়স্ক ব্যক্তিকে কন্যা সম্প্রদান করিতে পারিবেন না । “ধীমান্” অর্থাৎ জ্ঞানমতি বেদার্থগ্রহণে অসমর্থ ব্যক্তি বিবাহের উপযুক্ত নহে । “জনপ্রিয়” অর্থাৎ কৰ্কশস্বভাব ব্যক্তিকে কন্যাদান নিষিদ্ধ । এই বচন দৃষ্টে তৎকালে বরপরীক্ষার নিয়ম ছিল তাহাও জানা যায় । যদি বর সর্বপ্রকারে শাস্ত্র-সম্মত হয়, তবেই তাহাকে কন্যাসম্প্রদান করিলে পিতার পুণ্যসঞ্চয় হইবে । মনু আরো বলিয়াছেন যদি শাস্ত্রানুমোদিত বর না পাওয়া যায়, তবে বরং কন্যা বাবজ্জীবন পিতৃগৃহে বাস করিবে, তথাপি অল্পযুক্ত বরে কন্যাদান করিবে না ।

(স্ত্রীলোকদিগের প্রতি ব্যবহার)

“পিতা, মাতা, ভ্রাতা, পতি, দেবর প্রভৃতি আত্মীয় লোকে যদি ইহলোকে সম্মান ইচ্ছা করেন, তবে স্ত্রীলোকদিগকে সম্মান করিবেন, এবং তাহাদিগের বেশভূষা করাইয়া দিবেন । যেখানে স্ত্রীলোকদিগকে সম্মান করা হয়, সেইখানেই দেবতারা সন্তুষ্ট হন । যেখানে স্ত্রীলোকদিগের অমর্যাদা করা হয়, তথায় সকল কর্মই নিষ্ফল । যে কুলে স্ত্রীলোকেরা শোক করে, সে কুল শীঘ্র নাশ পায় । যেখানে উত্তরা সন্তুষ্ট থাকে, সেখানে সর্বদাই শ্রীবৃদ্ধি হয় । অতএব ভূতি ইচ্ছুক লোকেরা •

উৎসবে ও সংকার্ষ্যে ভূষণ, আচ্ছাদন ও অশন দ্বারা উহাদিগের “পূজা” করিবে। যে কুলে স্বামী স্ত্রীর প্রতি সন্তুষ্ট ও স্ত্রী স্বামীর প্রতি সন্তুষ্ট, সে কুলে কলাগ হয়” ইত্যাদি। মনু এই সকল বচন পাঠ করিলে বোধ হয়, পূর্বকালে স্ত্রীলোকের প্রতি সকলে সদ্যবহাব করিতেন, ও তাঁহাদিগকে ভূষণাদি দ্বারা সন্তুষ্ট রাখিতেন। মনু আরও বলিয়াছেন, মাতা পিতার অপেক্ষা সহস্রগুণে পূজনীয়া, ভার্য্যা আপনার দেহ, অতএব উহাদিগের প্রতি অগ্ণ্যচরণ কোন রূপেই বিধেয় নহে। এদেশীয় কুলীনদিগের মধ্যে কন্যা হইলে, তাঁহারা অত্যন্ত অসন্তুষ্ট হন। রাজপুতানার রাজপুতদিগেব মধ্যে বালিকাহত্যা প্রথা প্রচলিত ছিল। কিন্তু মনু বলিয়াছেন, “কন্যাপ্যেবং পালনীয়া শিক্ষণীয়াতিবহুতঃ।” আর এক জন বলিয়াছেন, কন্যা পুত্র কিছুমাত্র ভেদ নাই, বরং কন্যা সম্পাত্রে দান করিলে পরলোকে মঙ্গল হয়। স্ত্রীলোককে শানীকি কহে দেওয়া মহাপাপ বলিয়া আজিও গণ্য হইয়া থাকে। গরুড়পুরাণে লিখিত আছে ঐতর প্রাণীদিগেরও স্ত্রীজাতি মনুষ্যের অবধ্য,* মনু বলিয়াছেন, পরপত্নীকে ভগিনী বলিয়া সম্বোধন করিবে। আপস্তম্ব বলিয়াছেন, উহাদিগকে মাতৃবৎ দেখিবে।

উপরিলিখিত প্রবন্ধ পাঠে বোধ হইবে যে, সভ্যজাতীর লোকেবা স্ত্রীলোকের প্রতি যেরূপ সদ্যবহার করিয়া থাকেন, আমাদের পূর্বপিতামহগণও তাঁহাদিগের প্রতি সেইরূপ ব্যবহার করিতেন। তবে যে নানাস্থানে দেখা যায়, “স্ত্রীলোঃ অতি হেয় পদার্থ, উহার সঙ্গ সর্বদা পরিত্যাগ করিবে; কখনে

সুরধারাভা মুখে মধুরভাবিনী স্ত্রীর অন্ত পুণ্যাদিতেও পাওয়া যায় না, অতএব তাহাকে বিশ্বাস করিবে না” (ব্রহ্মাণ্ড পুরাণ) ; এ সকল সংসারবিরাগী যোগী প্রভৃতি লোকের উক্তি . তাঁহাদের মন অন্তদিকে আসুক, স্ত্রীলোক পাছে তাঁহাদিগকে সংসারে বদ্ধ করে, এই ভয়ে তাঁহারা বনে বাস করিতেন । সূতরাং তাঁহাদিগের কথা শুনিয়া পূর্বকালের পুরুষেরা স্ত্রীলোকদিগকে ঘৃণা করিতেন অথবা তাঁহাদিগের প্রতি অসহ্যবহার করিতেন একপ বিবেচনা করা অন্তার । বরং নিম্নলিখিত যাজ্ঞবল্ক্যবচন দৃষ্টে বোধ হইবে যে, প্রাচীন ঋষিরা স্ত্রীলোকদিগকে অতি পবিত্র পদার্থ মনে করিতেন । যাহারা সতী তাঁহাদের ত কথাই শ্রুতি, “যেখানে যেখানে তাঁহাদের পাদস্পর্শ হয়, সেখানেই পৃথিবী মনে করেন, যে আমার আর ভার নাই, আমি পবিত্রকারিণী হইলাম” (কাশীখণ্ড), কিন্তু সামান্যতঃ পাপচারিণী ভিন্ন অপর স্ত্রীলোকও পবিত্র বলিয়া পরিগণিত ছিলেন । “সোম তাহাদিগকে শৌচ প্রদান করিয়াছেন, গন্ধর্ব্ব তাহাদিগকে মধুর বাক্য প্রদান করিলেন, পাবক তাহাদিগকে সর্ব্বপ্রকারে পবিত্র করিয়া দিলেন । অতএব যোষিদগণ সর্ব্বপ্রকারে পবিত্র হইয়াছে ।”

(স্ত্রীলোকের কর্তব্য কৰ্ম্ম)

স্ত্রীলোকের পক্ষে কার্যমনোবাক্যে স্বামীর শুশ্রূষা করাই প্রধান কর্তব্য । স্বামী কাণা হউন, খোঁড়া হউন, অকর্ম্মণ্য হউন, দুঃস্থ হউন, তথাপি স্ত্রীলোকের তিনিই গুরু, পুত্র্য ও ইষ্টদেবতা । তাঁহার চরণসেবা করিলেই স্ত্রীলোকের পরকালে পরমগতি লাভ হইবে । স্বামীর পর স্বস্ত্র স্বস্ত্র পিতামাতার,

সেবা, দেবরাদির প্রতিপালন তাঁহার কর্তব্য। তিনি সমস্ত গৃহকার্যো দক্ষ হইবেন। ব্যয়ে সন্দেহ কুণ্ঠিত হইবেন, স্বামী পুত্রের বিরহ কখনই কামনা করিবেন না। আপন ইচ্ছাতে কোন কার্য করা তাঁহার পক্ষে নিন্দনীয়। তাঁহার ব্রত, ধর্ম উপাসনা, উপবাস কিছুই নাই। শিলাদিকার্যো দক্ষ হউন, সে তাঁহার কর্তব্যের মধ্যে নহে, শুণের মধ্যে। তাহার দ্বারা যে ধনসঞ্চয় হইবে, তাহাতে তাঁহার নিজের কোন অধিকার নাই। সে ধন তাঁহার স্বামীর। পূর্বেই বলা হইয়াছে গৃহকার্যো দক্ষ হওরা তাঁহার প্রদান কর্তব্য। সে সকল গৃহধর্ম কি, বহুপুরাণে তাঁহা এক বিবরণ পাওয়া যায়, যথা—

“জ্যৈলোক প্রাতঃকালে উঠিয়া প্রাতঃকৃত্য সমাপন করিবে, তাহার পর স্বামী ও দেবতাকে নমস্কার করিয়া গোময় অথবা জলের দ্বারা উঠান পরিষ্কার করিবে ও গৃহের কাজকর্ম শেষ করিবে। তাহার পর স্নান করিয়া দেবতা, ব্রাহ্মণ ও পতির পূজা করিয়া গৃহদেবতার পূজা করিবে। সমস্ত গৃহকার্য শেষ হইলে অতিথি ও স্বামীর ভোজনাভ্যন্তে পরমসুখে নিজে ভোজন করিবে।”

এই স্থলে সংক্ষেপে জ্যৈলোকদিগের অবশ্য কর্তব্য কর্মসকলের উল্লেখ করা হইল। ইহা ভিন্ন অনেক কর্ম আছে তাহা তাঁহাদের অবশ্য কর্তব্য নহে অথচ করিলে তাঁহাদের প্রশংসা হয়। তৃতীয় অধ্যায়ে তাহার উল্লেখ করিব। জ্যৈলোকের চরিত্রবিষয়ে কতদূর উন্নতি কল্পনা করা হইয়াছিল, জানিতে গেলে তাঁহাদের কর্তব্য কি কি জানা নিতান্ত আবশ্যিক। কারণ তাঁহারা ঐগুলি যদি সুন্দররূপে সমাধা করিতে পারেন তাহা হইলেই তাঁহাদের চরিত্র উত্তম বলিতে হইবে। তাহার উপর

অমায়িকতা, সরলতা প্রভৃতি যে সকল গুণে অগতে মাননীয় হওয়া যায়, সেই সকল গুণ থাকিলেই তাঁহাকে অতি উন্নতচরিত্রা বলিতে হইবে ।

(স্ত্রীর ধনাধিকার)

স্ত্রীলোকের ধনাধিকারবিষয়ে নিয়ম এই ; স্ত্রীলোক নিজে উপার্জন করিলে স্বামীর হইবে । স্বামী যদি দেন, ২০০০ টাকার অধিক দিতে পারিবেন না । তবে পিতামাতা, কন্য়ার কষ্ট না হয় বলিয়া যে ধন দিবেন তাহা তাঁহার আপনার । পিতামাতা বা স্বামীর ধনে তাঁহার নির্বাচ স্বত্ব নাই অর্থাৎ দান বিক্রয় ক্ষমতা নাই । কেবল যাবজ্জীবন ভোগমাত্র । সে ভোগি আবার সূক্ষ্ম বস্ত্র পরিধানাদি দ্বারা নহে । সে ধন কেবল স্বামীর পারলৌকিক কার্য ও অন্যান্য সংকার্যে নিয়োগ করিবার জন্য । পিতার ধন আবার যদি দৌহিত্র থাকে তবেই পাইবেন, বক্ষ্যা বা বিধবা হইলে সে ধনে তাঁহার অধিকার নাই । এইরূপে স্ত্রীলোক ধন উপার্জনে বঞ্চিত হইলেও তাঁহার ধনাধিকারে যথেষ্ট সুবিধা আছে । তাঁহার পিতৃদত্ত যে নিজধন তাহাতে স্বামীরও অধিকার নাই । সে ধন স্বামী লইলে তাঁহাকে সূদ দিতে হইবে । না দিলে চোরের স্তার দণ্ডগ্রহণ করিতে হইবে । স্ত্রীলোকের ধনাধিকারবিষয়ে ভারতীয় ঋষিগণ যত সুন্দর বন্দোবস্ত করিয়াছিলেন এত অল্প কোন দেশে আজিও হইয়াছে কি না সন্দেহ ।

(বিধবার কর্তব্য)

যহুর মতে স্বামীর মৃত্যুর পর স্ত্রীলোকে ব্রহ্মচর্য্য অবলম্বন করিবে । স্বামীর ধন পাইলে স্বামীর পারলৌকিক কার্যে

নিযুক্ত থাকিবে । স্বামিকুলে বাস করিবে । স্বামীর বংশে কেহ থাকিতে পিতৃবংশীরদিগকে ধনদান করিবে না । স্বামীর বংশ নিম্ন হইলে, পিতৃগৃহ আশ্রয় করিবে । সহমরণ মনুর অনুমোদিত নহে, কিন্তু মহাভারতের মধ্যে সহমরণপ্রথার বহুল প্রচার দেখা যায় । পাণ্ডুমহিলা যাদ্রী সহগমন করেন । কুরুক্ষেত্রের যুদ্ধের পর, মৃত বীরেন্দ্রবৃন্দের মহিলাবা অনেক স্বামীর অনুগমন করেন । বিষ্ণু, যাজ্ঞবল্ক্য, ব্যাস এমন কি মনু ভিন্ন প্রায় সকল ঋষিবাহ সহমরণের অনুমোদন করিয়াছেন এবং অনুমৃতাদিগের বিস্তর প্রশংসা করিয়াছেন । একজন বলিয়াছেন, “যে স্ত্রী সহমৃত্যু কর, সে স্বামীর সহস্র পাপসঙ্গেও স্বামীর সহিত সাক্ষিক্রীকোট বৎসর স্বর্গবাস করিবে ।” পরাশর বলিয়াছেন যে, সর্পগ্রাণী ব্যাধ যেমন বলপূর্বক সর্পকে গর্ভে চইতে উত্তোলন করে, সেইরূপ সহমৃত্যু নারী আপন স্বামীকে উদ্ধার করিয়া তাহার সহিত স্বর্গে আনন্দ প্রনোদ করে । কিন্তু সহমরণ স্ত্রীলোকদিগের অশুকর্তব্য নহে । করিলে পুণ্য ও প্রশংসা হয় মাত্র । আমরা হৃত্যয় অধ্যায়েও একবার উল্লেখ করিব । সহমরণ ভারতবর্ষ ভিন্ন প্রায় অত্র কোন দেশে দেখা যায় না । উগা ভারতবর্ষ স্ত্রীলোকদিগের পতিপরায়ণতার পরীক্ষা প্রদর্শন করিতেছে । সত্য বটে, সহমরণ পরিণামে অনর্থকর চইয়া উঠিয়াছিল, সত্য বটে, ভ্রষ্টলোকে বড়যন্ত্র করিয়া ইচ্ছাব বিরুদ্ধে অনেককে জগচ্চিত্তাধ নিরূপ করিত, সত্য বটে, এট প্রথা উঠাইয়া দিয়া ইংরাজরাজ আগাদের বিশেষ কৃতজ্ঞতাভাজন হইয়াছেন, কিন্তু এই প্রথা বাহাদের দৃষ্টান্তে প্রথম প্রচলিত হয়, তাহার নিশ্চয়ই স্বামীব জন্ত,

পরলোকেও যাহাতে স্বামীর সহিত বিচ্ছেদ না হয় সেই
জন্ত, আপনার জীবন স্বামীর চিতার সমর্পণ করিতেন।
কাহারও কাহারও মতে কলিযুগে বিধবারা বিবাহ করিতে
পারিবেন ব্যবস্থা আছে ।

(দুষ্চরিত্রাদিগের দণ্ড)

পূর্বেই উক্ত হইয়াছে অপ্রিয়বাদিনী স্ত্রীকে স্বামী সদ্যঃ-
পরিত্যাগ করিতে পারিতেন। স্ত্রী যদি গৃহকার্য্যে অবহেলা
করিত বা মুক্তহস্তে ব্যয় করিত, স্বামী তাহাকে পরিত্যাগ
করিতে পারিতেন। সুরাপায়িনী স্ত্রী পরিত্যাগার্হা। পরিত্যাগ
বলিতে গেলে একেবারে বাড়ী হইতে বাহির করিয়া দেওয়া
বুঝাইত না। এই সকল স্ত্রীকে পরিত্যাগ করিয়া দারাস্তর
পরিগ্রহ করার ব্যবস্থা ছিল, কিন্তু তাহাদিগকে ভরণপোষণ
করিতে হইত। স্ত্রীলোক যদি পিতৃধনগর্বে গর্বিতা হইয়া
স্বামীকে অবহেলা করে, এবং পুরুষাস্তরকে আশ্রয় করে তবে
রাজা তাহাকে কুকুর দিয়া খাওয়াইবেন এবং তাদৃশ পারদারিক
পুরুষকে পোড়াইয়া ফেলিবেন।



দ্বিতীয় অধ্যায় ।

(সাধ্বীদিগের শ্রেণীবিভাগ ।)

মুনিরা যে সকল নিয়ম সংস্থাপন করিয়া গিয়াছেন, যাঁহারা সেই সকল নিয়ম সুন্দররূপে প্রতিপালন করিয়াছেন তাঁহারা হই আমাদিগের প্রথম বর্ণনীয় । যাঁহারা কোনরূপে প্রলোভনে পতিত না হইয়া যশস্বিনী হইয়াছেন, তাঁহাদের চরিত্রই আমরা প্রথম পর্য্যালোচনা করিব । তাহার পরে যাঁহারা নানাবিধ প্রলোভনে পড়িয়াও সম্পূর্ণরূপে আপনাদিগের চরিত্রের বিশুদ্ধতা রক্ষা করিয়া গিয়াছেন, তাঁহাদিগের জীবনাবলী বর্ণনা করিব । হিন্দুদিগের মধ্যে ক্রীষভাবের ইহারা হই উৎকৃষ্ট নিদর্শন । পাণ্ডুবধু জ্যোৎস্না, রামগেহিনী সীতা এই শ্রেণীর মধ্যে প্রধানরূপে গণনীয় । সাবিত্রী, শকুন্তলা, প্রভৃতি মহিলারা চরিত্ররক্ষার জন্য নানাবিধ কষ্ট পাইয়াছেন সত্য, কিন্তু তাঁহাদের প্রলোভন-সামগ্ৰী অল্পই ছিল । তাঁহারা প্রথমোক্ত শ্রেণীর মধ্যে সর্বোচ্চ আসন পরিগ্রহ করিতে পারেন । কিন্তু শেষোক্ত শ্রেণীর তাঁহারা কেহই নছেন ।

জীলোকদিগের প্রধান কর্তব্য কর্ম পতিসেবা । পতি তাঁহা-
দিগের সর্কষ, তাঁহাদিগের দেবতা । পতির সেবাই জীলোক-
দিগের প্রধান কর্তব্য । তাঁহাদিগের দ্বিতীয় কর্তব্য গৃহকার্য্য ।
গৃহস্থের যত কার্য্য আছে তাহার সমুদয়েরই ভার জীলোকের
হস্তে । সম্ভানপালনও জীলোকের কর্তব্য কর্মের মধ্যে গণনীয়
যদি এক স্থলে বলিয়াছেন, “জীলোক হইতে সম্ভানের উৎপত্তি
ও তাহার লালন পালন হয় অতএব জীলোকই লোক যাত্রার
প্রত্যক্ষ উপায় ।”

অতএব পুত্রের পালনভারও জীলোকের হস্তে অর্পিত ছিল ।
এতদ্বিতর জীলোকের আরও একটা কর্তব্য কর্ম হইয়াছিল।
কৃত্রিয়াদি সমস্ত ভক্তপরিবারের মহিলারাই উহা শিক্ষা করিতেন ।
উহার নাম কলাশিক্ষা । ঋষিদিগের সময়ে লোক সকল সরল
ছিল । বাবুগিরি ব্রাহ্মণদিগের তত মনোগত ছিল না ।
কালিদাসাদির সময়ে যখন আর্য্যগণ পূর্ব্ণভাব পরিত্যাগ করিয়া
বিলাসসুখে মগ্ন হইয়াছেন, তখন নৃত্যগীতাদি ভক্তমহিলাদিগের
নিত্যকর্ম্ম মধ্যে গণ্য হইয়াছে । তখনই কালিদাস লিখিলেন,
“তুমি আমার গৃহিণী ছিলে, সচিব ছিলে, সখী ছিলে, কথার
দোসর ছিলে এবং ললিতকলাবিধিতে প্রিয়শিষ্যা ছিলে,
করণাবিশুদ্ধ মৃত্যু ভোয়ার হরণ করার বল আমার আর কি
রাখিয়াছে ।”

কিন্তু মহর্ষি ব্যাস স্বরুতসংহিতীর লিখিয়াছেন “স্ত্রী ছাড়া

* গৃহিণী সচিবঃ সখী মিথঃ প্রিয়শিষ্যা ললিতে কলাবিধৌ।
করণাবিশুদ্ধেন মৃত্যুনা হরণতা দ্বাং বদ কিং ন বেদুতং । ময়ুঃ

ভার সর্বদা পতির অনুগমন করিবে । মঙ্গলকার্যে সখীর ভার বহুবতী হইবে, আদিষ্টকার্যে দাসীর ভার তৎপর্য্য হইবে ।” *

এই দুইটি বচনের মধ্যে প্রথমটীতে “শ্রিয়শিষ্যা ললিতে কলাবিদ্যে” এই বিশেষণটি অধিক আছে । ইহাঘারা বোধ হইল ঋষিগণ আপন স্ত্রী ও কস্তাদিগের নৃত্যগীত শিক্ষা দিতে তত উৎসুক ছিলেন না ।

এক্ষণে স্ত্রীকৃত হইল পতিসেবা, গৃহকার্য্য, এবং নৃত্য-গীতাদিও, স্ত্রীলোকের কর্তব্যমধ্যে পরিগণিত ছিল । সংক্ষেপতঃ এই স্থির হইল, কিন্তু বিশেষ পর্যালোচনা করিতে গেলে আবার সংহিতাকর্তাদিগের শরণ লইতে হইবে । অষ্টাদশ খানি সংহিতার মধ্যে ৮।৯ খানি অতি স্বল্পায়তন তাহাতে স্ত্রীচরিত্রের কোন উল্লেখ নাই । আর কয়েকখানির মধ্যে, যমু যেরূপ বৃহৎ গ্রন্থ উহাতে স্ত্রীধর্ম্ম তাদৃশ বিস্তারক্রমে কথিত হয় নাট । যাজ্ঞবল্ক্য স্ত্রীধর্ম্ম সম্বন্ধে গৃহস্থধর্ম্মের মধ্যে কয়েকটি মাত্র কবিতা বলিয়া কাস্ত হইয়াছেন । দক্ষ, ব্যাস ও বিষ্ণু বিস্তারক্রমে স্ত্রীধর্ম্ম কীর্ত্তন করিয়াছেন । এই তিনখানির মধ্যে আবার বিষ্ণুই সর্বাপেক্ষা প্রাঞ্জল । বিষ্ণুর বচনে অর্ধবর্তিত কোনরূপ সন্দেহ হইবার সম্ভাবনা অল্প । দায়ভাগকার স্ত্রীমৃতবাহন বিষ্ণুস্বত্র অবলম্বন করিয়াই অতি দুর্লভ অপুত্রধনাধিকার অধ্যায় নির্ণয় করিয়াছেন আমাদেরও সেই বিষ্ণুবচনই প্রধান আশ্রয় । স্ত্রী-ধর্ম্মসম্বন্ধে বিষ্ণুর বচন যথা—

স্ত্রীলোক স্বামীর সহিত একত্রচারিণী হইবেন ।

* হারোবাহুগতা বহু সখী বহিত কর্তব্য ।

দাসীবাধিষ্টকার্যে তদা তৎপর্য্য সখী ভবেৎ ।

বিষ্ণুস্ত্রের প্রসিদ্ধ টীকাকার নন্দপণ্ডিত লিখিয়াছেন স্বামী যে সকল বিষয়ে সঙ্কল্প করিবেন, জীলোকেরও সেই সেই কর্ণের অনুষ্ঠান করা উচিত ।

শ্বশ্রুশ্বশুর এবং দেবতাদিগের সেবা ।

টীকাকার লিখিয়াছেন পূর্বোক্ত গুরুজনের পাদবন্দনাদি দ্বারা সন্তোষসম্পাদনই সেবা বা পূজা শব্দের অর্থ । দেবতা শব্দে বিষ্ণু প্রভৃতি দেবতা নহেন । কারণ জীলোক ইচ্ছামত দেবোপাসনা করিতে পারিলে ঐম বচনটির সহিত বিরোধ হয়, অতএব উহার ব্যাখ্যায় টীকাকার লিখিয়াছেন দেবতা “সৌভাগ্যদাত্রী গৌরীপ্রভৃতি” । সৌভাগ্যই জীলোকের গৌরবের বিষয় । যেমন বিদ্যা দ্বারা ব্রাহ্মণের জ্যেষ্ঠতা, বলে কত্রিয়ের, সেইরূপ সৌভাগ্য নারীর শ্রেষ্ঠতা হয়, যাচার সৌভাগ্য নাই সে জীর মুখদর্শন করিতে নাই । সৌভাগ্য শব্দের অর্থ স্বামীর ভালবাসা । স্বামী যে জীকে ভালবাসেন তিনিই শ্রেষ্ঠা ।

অতিথি সেবা ।

মনু গৃহস্থের যে সকল প্রধান কর্তব্য নির্ণয় করিয়াছেন, তাহার মধ্যে অতিথিসেবা একটি । উহার নাম নৃষজ, উহাতে দেবভারাও সন্মুখে হন । কিন্তু গৃহস্থ ত নিজের অতিথিসেবা করিতে পারেন না । উহা তাঁহার গৃহিণীর উপর সম্পূর্ণ ভার । গৃহিণী যদি সূন্দররূপে অতিথিসেবা করিতে পারিলেন, সে তাঁহার অল্প প্রশংসার বিষয় নহে । পূর্বকালে গৃহস্থমহিলারা প্রাণপণে অতিথিসেবার নিযুক্ত থাকিতেন । কুস্তী বাল্যকালে অতিথিদিগের সেবা করিতে অত্যন্ত ভাল বুসিতেন । এক

দিন দুর্কাসা ঋষি আশ্রিতা তাঁহার নিকট উত্তম পায়স ভোজনের ইচ্ছা প্রকাশ করিলেন । কুন্তী নিতান্ত অতিথিবৎসলা ; তিনি সেই উত্তম পায়সপাত্র হস্তে করিয়া ঋষিকে খাওয়াইয়া দিলেন । তাঁহার হস্ত দৃষ্ট হইয়া গেল, তথাপি তিনি কোনরূপ বিরক্তি প্রকাশ করিলেন না । দুর্কাসা বহুতর প্রশংসা করিয়া তাঁহাকে অভিলষিত বর প্রদান করিলেন ।

গৃহসামগ্রীর স্ফুংস্কার ।

কেশববৈজয়ন্তীকার এই সূত্রের পোষক শঙ্খলিখিত একটি সুদীর্ঘ বচন উদ্ধার করিয়াছেন । কিন্তু হুঃখের বিষয় এই যে ত্র্যম্বকীচরণ বন্দ্যোপাধ্যায়ের সংকলিত শঙ্খলিখিত সংহিতার মধ্যে সে বচনটি পাওয়া যায় না । বচনের অর্থ এই ।

“প্রাতঃকালে পাকপাত্রের সংস্কার । গৃহস্থার পরিষ্কার করা । অগ্নিচর্চার আয়োজন । গ্রাম্যাদি দেবতার পূজোপহারোদ্যোগ । স্বামীর পূর্বে গাত্রোথান করিয়া শয়নসামগ্রীর যত্নপূর্বক রক্ষা । পাকক্রিয়াকৌশল, পরিবারবর্গকে পরিতোষ করিয়া আহার করান” ইত্যাদি । পূর্ক অধ্যায়ে বহিপুরাণের একটি বচন উদ্ধৃত হইয়াছে, তাহার সম্বন্ধও এইরূপ ।

অমুক্তহস্ততা ও স্ফুংগুভাণ্ডতা ।

পূর্কপরিচ্ছেদে উক্ত হইয়াছে স্ত্রীলোকের ধনাধিকার অতি অল্প । কিন্তু স্বামীর সমস্ত ধনই তাঁহার । স্বামিসঞ্চিত ধন তিনিই রক্ষা করিবেন । আয়ব্যয়ের তিনিই পর্যবেক্ষণ করিবেন । কিন্তু স্বামীর অনতিমতে কোনরূপ ব্যয় করিতে পারিবেন না । সকল ঋষিই বলিয়াছেন স্ত্রীলোকে ব্যয়কুঠ

হইবেন । “ব্যয়েচামুক্তহস্ততা” “ব্যয়বিবর্জিতা” “ব্যয়পরাধুখী” সকল সংহিতা মধ্যেই পাওয়া যায় । যদি স্ত্রী অধিক ব্যয় করেন স্বামী তাঁহাকে ত্যাগ করিয়া অন্য স্ত্রী বিবাহ করিবেন । স্ত্রী বলিয়াছেন আমি ব্যয়কুষ্ঠিতা স্ত্রীলোকের গৃহে বাস করি । সুতরাং ব্যয়কুষ্ঠিতা স্ত্রীলোকের প্রধানতম গুণের মধ্যে গণিত হইবে । বাস্তবিকও যাহারা অল্প আয়ে সংসারযাত্রা নির্বাহ করেন, তাঁহাদের পক্ষে, শুদ্ধ তাঁহাদিগের পক্ষেই কেন, গৃহস্থ-মাত্রেয়ই পক্ষে স্ত্রীলোকের ব্যয়কুষ্ঠিতা নিতান্ত প্রয়োজনীয় ।

মঙ্গলাচারতৎপরতা ।

মঙ্গলা জ্বা হরিজা কুছুমাদি ব্যবহার করিবে, এবং বৃদ্ধ-স্ত্রীলোকদিগের নিকট যে সকল আচার শিক্ষা করিবে, তাহার পালনে সর্বদা যত্নবতী হইবে । এই আচারগুলি সংশ্লিষিত বচনে উল্লিখিত আছে । যথা—না বলিয়া কাহারও বাটা বাইবে না । কোথাও যাইতে হইলে উত্তরীয় ছাড়িয়া বাইবে না, ক্রতপদে কোথাও গমন করিবে না, বণিক্, প্রব্রজিত, বৃদ্ধ ও বৈদ্য ভিন্ন, পর পুরুষের সহিত আলাপ করিবে না । কাহাকেও নাভি দেখাইবে না । বিস্তৃত বস্ত্র পরিধান করিবে । অনাবৃত শরীরে কখন থাকিবে না ইত্যাদি ।

স্বামী বিদেশে গেলে শরীরসংস্কার ও পরগৃহে গমন পরিত্যাগ করিবে । এস্থলে যোগীশ্বর যাজ্ঞবল্ক্য বলিয়াছেন, প্রোষিত-ভর্তৃকা নারী শরীরসংস্কার, বিবাহ ও উৎসবদর্শন, হস্ত ও পরগৃহ-গমন পরিত্যাগ করিবে । মহু বলিয়াছেন—

যদি স্বামী কোনরূপ বন্দোবস্ত না করিয়া বিদেশে গমন

করেন, তবে জীলোক অনিন্দনীয় শিল্পকার্য্যদ্বারা জীবননির্ব্বাহ করিবে । এই সূত্রের ব্যাখ্যায় টীকাকার শংখলিখিত একটি সুদীর্ঘবচন উদ্ধার করিয়াছেন । কিন্তু প্রবন্ধবাহন্যভয়ে সেটির অনুবাদ করিলাম না । পরগুচ শব্দে টীকাকার লিখিয়াছেন, পিতা, মাতা, ভ্রাতা, স্বস্তুরাদির গৃহ ভিন্ন অন্য গৃহ বুঝায় । প্রোষিতভর্তৃকাদিগের কি কর্তব্যকর্ম্ম তাহা যিনি মহাকবি কালিদাসের মেঘদূত পাঠ করিয়াছেন, তিনিই সম্পূর্ণরূপে অবগত আছেন । পতিপ্রাণা চক্ষুপত্নী সংবৎসর পর্য্যন্ত একবেণীধরা হইয়া যে কষ্টে সময় যাপন করিয়াছিলেন তাহা পাঠ করিলে স্কন্দপুরাণে মন করুণরসের আবির্ভাব হয় । যখন যক্ষ রাম-গিরিতে মেঘকে বলিতেছেন—

“তুমি দেখিবে যে তিনি হয় দেবপূজায় দাস্ত আছেন,
কিংবা বিরহে আমার শরীর কিরূপ ক্লেশ হইয়াছে মনে মনে
চিন্তা করিয়া তাহাট চিত্রিত করিতেছেন, অথবা মধুরবচনা
পিঞ্জরস্থিতা সারিকাকে জিজ্ঞাসা করিতেছেন, সারিকে । তুমিতো
তাঁহাব বড প্রিয় ছিলা, তাঁহাব কথা কি তোমার মনে হয় ?”*

তখন বোধ হয় যেন আমরা গদ্যরূপে দেবারাধনশীলা দ্বার-
দেশদন্ত-পুষ্প-গগনা-ভংগরা, আধিক্যমা সেই যক্ষপত্নীকে প্রত্যক্ষ
দেখিতে পাইতেছি । তাঁহার শরীর ক্লেশ তিনি বিস্তৃত শস্যার
একপার্শ্বে শয়না আছেন , বোধ হইতেছে যেন পূর্বগগনপ্রান্তে

* “আলোকে তে নিপততি পুরা সা বলিষাবুলা বা
সংসাদৃতং বিরহতনু বা ভাবগমঃ লিখন্তী ।
পৃচ্ছন্তী বা মধুরবচনাং সারিকাং পঞ্জরস্থাং
কচ্ছিত্ত্বঃ স্মরসি সসিকে হং হি তন্ত প্রিয়েতি ।

কলামাত্রশেষ সুধাংশুমূর্তি অবস্থিত । উহাতে আকাশের শোভা বিশেষ হইতেছে না, কিন্তু দর্শকের অন্তঃকরণ শোকে আপ্ত হইতেছে ।

কোন কর্মে জীলোকের ইচ্ছামত কার্য করিবার অধিকার নাই । মনু বলিয়াছেন, বালিকাই হউক, যুবতীই হউক বা বৃদ্ধাই হউক, কোন কর্মেই জীলোক আপন ইচ্ছামত চলিতে পারে না । জীলোক তিন অবস্থায় পিতা, ভর্তা ও পুত্রের অধীন হইয়া চলিবে । কোন কালেই জীলোকের স্বাধীনতা নাই ।

স্বামীর মৃত্যুর পর জীলোকে ঠর কঠোর ব্রহ্মচর্যা অবলম্বন করিবে, না হয় সহগামিনী হইবে । কিন্তু কাশীখণ্ডকার কহেন, বিধবারা ভূমিশয়া আশ্রয় করিবে । অসময়ে আহার করিবে । পরিভৃষ্টি করিয়া আহার করিলে তাহাদিগের নরকদর্শন হইবে ।

বিষ্ণুসংহিতায় জীধর্মনির্ণয়ের উপসংহারে নিম্নলিখিত কয়েকটি দেখা যায় । যথা—

“জীলোকের স্বতন্ত্র ব্রত ব্রত বা উপবাস কথা কিছুই নাই । স্বামীর শুক্রবা কবিলেই স্বর্গে তাহার প্রতিপত্তি হয় । যে রমণী স্বামী জীবিত থাকিতে উপবাস ব্রত আচরণ করে সে স্বামীর আয়ু হরণ করে এবং নরকে গমন করে । সাধবী রমণী স্বামীর পরলোক প্রাপ্তির পর, ব্রহ্মচর্যা ব্রত অবলম্বন করিলে নৈষ্ঠিক ব্রহ্মচারী-দিগের স্তায় স্বর্গে গমন করে ।”*

নাস্তি স্ত্রীণাং পৃথক্ব যজ্ঞো ন ব্রতং নাপ্যুপাসনং ।

পতিং শুক্রবতে যেন তেন স্বর্গে মহীয়তে ।

পত্যৌ জীবতি বা যোষিছুপবাসব্রতং চরেৎ ।

আয়ুঃ সা হরতে পত্যূর্নরকৈব গচ্ছতি ।

যুতে শুক্রি সাধবী স্ত্রী ব্রহ্মচর্যো ব্যবহিতা ।

অয়ং গচ্ছত্যপুত্রাপি যথা তে ব্রহ্মচারিণঃ ।

এই প্রস্তাবের মধ্যে দক্ষ ও ব্যাস ভিন্ন আর সকল সংহিতারই সমালোচন করা হইল। দক্ষসংহিতার জীলোকের কর্তব্যনির্ণয় নাই। কিসে জীলোকের প্রশংসা হয়, তাহা বিশেষরূপে উল্লিখিত আছে। ব্যাসসংহিতার বিষ্ণুসংহিতা অপেক্ষা অনেক বিস্তারক্রমে জীচরিত্র বর্ণনা আছে। পূর্ব প্রবন্ধে কাভ্যায়নেরও কোন কথা উল্লেখ করি নাই। কাভ্যায়ন সকল সংহিতার পরিশিষ্টরূপ। যে সকল স্থান অত্র সংহিতার অক্ষুট, কাভ্যায়ন তাহার বৈশদ্য সম্পাদন করিয়াছেন। আর অত্র সংহিতায় বাহার উল্লেখ নাই, কাভ্যায়ন তাহারই উল্লেখ করিয়াছেন। জীলোকের কর্তব্যের মধ্যে বিদেশগত স্বামীর অগ্নিরক্ষা একটি প্রধান কার্য বলিয়া পরিগণিত। কাভ্যায়ন বলিয়াছেন, সৌভাগ্য দ্বারাই জীলোকে জ্যেষ্ঠতামাত্ত করে। সেই সৌভাগ্য আবার অগ্নিরক্ষাদ্বারা লাভ হয়। আর সৌভাগ্যবতীর মুখ যদি কেহ প্রাতঃকালে দেখে, তাহার সমস্ত দিন মঙ্গল হয়। দুর্ভাগার মুখ দেখিলে, সেদিন বিবাদ বিসংবাদে পড়িতে হয়। বিষ্ণুসংহিতার শেষভাগে নারায়ণ লক্ষ্মীকে জিজ্ঞাসা করিতেছেন। হে লক্ষ্মী! তুমি কোন্ কোন্ স্থানে বাস কর। এই প্রশ্নের উত্তর হইলে, তিনি বলিলেন, তুমি কৌদৃশ জীলোকের গৃহে থাকিতে ভাল বাস। তাহাতে লক্ষ্মী উত্তর করিলেন—

উত্তমরূপে বিভূষিতা, পতিব্রতা, প্রিয়বাদিনী, ব্যয়কৃষ্টিতা, অর্থসঞ্চয়ে ধনবতী, দেবতাদিগের পূজাপ্রিয়, গৃহপরিমার্জনতৎপর, দ্বিত্তেক্রিয়া, কলহবিরতা, বিলোলুপা, ধর্মকর্মে অতিনিবিষ্টহৃদয়া, দয়াস্বিতা নারীতে আমি বাস করি। যেমন মধুসূদন আমার প্রিয়, ইহারাত্ত সেই

রূপ ।* অতএব আমরা এই লক্ষীর বাক্যে স্ত্রীচরিত্রের এক অতি সুন্দর চিত্র প্রাপ্ত হইলাম ।

পূর্ব শব্দে স্ত্রীলোকের যে সকল অতি প্রয়োজনীয় কর্তব্য বলিয়া নির্ণীত হইয়াছে, তাহা সম্পাদন করিলে ও কলহ বিরতা, পুত্রবতী, ইন্দ্রিয়সংযমবতী, দয়াধিতা হইলে, লক্ষী তাঁহার গৃহে চিরদিন বিরাজমানা থাকিবেন । বাস্তবিক অতি প্রাচীনকালে অর্থাৎ যে সময়ে মনু, যাজ্ঞবল্ক্যপ্রভৃতি মুনিগণ সংহিতাকরণে নিযুক্ত ছিলেন, তখন স্ত্রীচরিত্র অতিশয় উন্নত ছিল । ঐ ঋষিগণ সত্যমাত্র আশ্রয় করিয়াই স্মৃতিসংহিতা প্রস্তুত করিয়াছেন । তাঁহারা স্ত্রীচরিত্র বতদূর উন্নত হইতে পারে তাহার উত্তম উত্তম চিত্র দিয়াছেন । কিন্তু পৌরাণিকগণ অতি কঠোর নিয়মাবলী প্রচার করিয়াছেন ।

বাসলিখিত স্মৃতিসংহিতায় আর একটা উৎকৃষ্ট স্ত্রীচরিত্রের বিবরণ পাওয়া যায় । তাহার সবিস্তার অনুবাদ এই—

• “পিতা, পিতামহ, ভ্রাতা, পিতৃব্য, জ্ঞাতি, মাতা অথবা বয়স, বিদ্যা ও বংশে সদৃশ বরে কন্যাসম্প্রদান করিবেন । পূর্ব পূর্বের অভাবে পর পর ব্যক্তিকে দান করিবেন । সকলের অভাবে কন্যা স্বয়ম্বরা হইবে । * * পূর্বকালে স্বয়ম্ভু আপনার দেহকে বিধাপাতিত করেন । অর্দ্ধের দ্বারা পত্নী ও অপরা অর্দ্ধের দ্বারা পতির উৎপত্তি হয়, এই স্মৃতি আছে ।

* নারীষু নিত্যং সুবিভূষিতাঃ পতিব্রতাঃ শ্রিয়বানিনীষু ।
অনুভবতাঃ স্তম্বিতাঃ সুশুভতাঃ বলিশিরাঃ ।
সম্ভূতবেশ্যাসু স্তিতৈশ্চিরাসু বলিব্যপেতাঃ বিশোলুপাঃ
ধর্মব্যগোপিতাঃ দয়াধিতাঃ হিতা সদাহং মনুস্মরণে তু

ষত্‌দিন পর্য্যন্ত বিবাহ না করা যায়, ততদিন পুরুষকে অর্ধ-কলেবর বলিতে হইবে। * * বিবাহানন্তর অগ্নি ও পত্নীর সহিত, গৃহনির্মাণ করত বাস করিবে। আপনার ধন জীবিকা-নির্বাহ করিবে এবং বৈতান অগ্নি নির্বাণ হইতে দিবে না। ধর্ম্ম অর্থ কাম এই ত্রিবর্গলাভে স্ত্রী ও পুরুষ সর্বদা একমন হইবে। এবং একরূপ নিয়ম করিয়া চলিবে। স্ত্রীলোকের পক্ষে ত্রিনর্গনাধনের কোন স্বতন্ত্র পথ নাই। শাস্ত্রবিধির ভাবার্থ সংগ্রহ করিয়া অথবা অতিদেশ করিয়াও স্বতন্ত্র পথের উল্লেখ পাওয়া যায় না। স্ত্রী স্বামীর পূর্বে শয্যা হইতে গাছোথান করিয়া আপনার দেহতৃষ্ণি করিবে। শয্যা তুলিয়া রাখিবে এবং গৃহমার্জন করিবে। অগ্নিশালা ও অঙ্গনের মার্জন ও লেপন করিবে। তাহার পর অগ্নিপরিচর্য্যার কার্য্য করিবে ও গৃহসামগ্রী সকলের তত্ত্বাবধান করিবে। * * এইরূপে পূর্বানুকৃত্য সমাপন করিয়া গুরুদিগের পাদবন্দনা করিবে এবং গুরুজনপ্রদত্ত বস্ত্রালঙ্কার সকল ধারণ করিবে। কারমনোবাক্যে পতিসেবাতৎপরা হইবে। নিশ্চলচ্ছায়ার স্তায় স্বামীর অনুগত থাকিবে। স্বামীর হিতকার্য্যে সখীব স্তায়, আদিষ্টকার্য্যে দাসীর স্তায় নিয়ত তৎপরা হইবে। তাহার পর অন্ন প্রস্তুত করিয়া স্বামীকে এবং অন্তান্ত ভোক্‌বর্গকে ভোজন করাইবে। পরে স্বামীর অনুজ্ঞা লইয়া, অবশিষ্ট যে কিছু অন্নাদি থাকিবে, স্বয়ং ভোজন করিয়া দিবসের শেষভাগে আর ব্যর চিন্তায় নিবৃত্তা থাকিবে। এইরূপ প্রত্যুত করিবে। স্বামীকে উত্তমরূপে আহার করাইবে। আপনি অনতিতৃপ্তরূপে আহার করিয়া গৃহনীতি বিধান করিবে এবং উৎকৃষ্ট শয্যা

আন্তীর্ণ করিয়া পতির পরিচর্যা করিবে । স্বামী শরন করিলে, তাঁহার নিকটে তাঁহারই পদে মনোনিবেশ করিয়া শরন করিবে ।” এই পর্য্যন্ত স্ত্রীলোকের নিত্যকর্ম গেল । “ইহাতে পূর্ব প্রবন্ধ হইতে কিছুই নূতন নাই । কেবল কিছু বিস্তার আছে মাত্র । ইহার পরে স্ত্রীলোকের কতকগুলি অতি প্রয়োজনীয় গুণের কথা উল্লেখ আছে । যথা—“স্ত্রীলোকের যেন কোন বিষয়ে অনবধানতা না থাকে । তাঁহার যেন মনে থাকে তাঁহার নিজের কোন কামনা নাই । ইন্দ্রিয়সংযমে তিনি যেন সর্বদা যত্নশীলা থাকেন । তিনি কখনই উচ্চস্বরে কথা কহিবেন না । অধিক কথা কহা, পরুষবাক্য ব্যবহার ও স্বামীর অপুত্র কথা বলা তাঁহার পক্ষে দোষাবহ । তিনি যেন কাহার সঙ্গে বিবাদ না করেন এবং নিরর্থক প্রলাপবাক্য ব্যবহার না করেন, বায় অধিক না করেন এবং ধর্ম্মার্থবিরোধী কোন কাণ্ড না করেন । সাধ্বী স্ত্রীর পক্ষে প্রমাদ, উন্মাদ, কোপ, দ্বেষা, বঞ্চনা, অভিমান, খলতা, হিংসা, বিদ্বেষ, অহঙ্কার, ধূর্ততা, নার্দৈকতা, সাহস, চৌর্য্য ও দস্ত পরিবর্জনীয় । এই সকল পরিত্যাগ করিয়া কারমনোবাক্যে পতিসেবাতৎপর হইলে ইহকালে যশঃ ও পরকালে স্বামীর সহিত ব্রহ্মলোক প্রাপ্তি হয় ।” ✓

ব্যাসসংহিতার এই সুন্দর পরিষ্কার দীর্ঘ বর্ণনার পর আমাদিগের আর মস্তব্য প্রকাম বৃথা । ইহা পাঠ করিলেই স্মৃতিসংহিতাকারেরা স্ত্রীলোকের চরিত্র বিষয়ে কতদূর উন্নতি কল্পনা করিয়াছিলেন, তাহা স্পষ্টরূপে হৃদয়ঙ্গম হইবে । এরূপ সর্বগুণসম্পন্ন ব্রমণী অতি বিরল হইলেও ইহার মধ্যে বহুতর গুণশালিনী

রবী প্রাচীন ভারতবর্ষে, এমন কি এখনও অনেক দেখা যায়। কতকগুলি অধুনাতন কোরুর সংস্কার আছে যে আমাদের দেশে জীলোকদিগের বিদ্যাশিক্ষার নিয়ম ছিল না, সুতরাং এককাল জীলোককে কেবল দাসীবৃত্তি ও কলহ করিয়া সমরাস্তি-পাস্ত করিয়াছেন। কিন্তু উহাদিগের একবার অন্ততঃ ব্যাস-সংহিতার বচন করেকটী পাঠ করা কর্তব্য। জীলোকের হস্তে শুদ্ধ দাসীর কর্মমাত্রের ভার ছিল না, তিনি আর ব্যস্তের চিন্তা করিতেন, তাহার নাম দেওয়ানী। ব্যাসসংহিতা পাঠ করিয়া বরং মনে হয় যে জীলোক যদি দেওয়ান হইতে দাসী পর্যন্ত সকলেরই কার্য করিল, পুরুষের কার্য কি? জীলোকের মানসিক উন্নতি কিরূপ ছিল তাহারও কতক প্রমাণ স্মৃতিশাস্ত্র হইতে পাওয়া যায়। ব্যাস স্পষ্ট বলিয়াছেন জীলোক যেন নাস্তিক না হয় এবং আর একজন বলিয়াছেন জীলোক যেন হেতুবাদ শাস্ত্র শিক্ষা লা করে। হেতুবাদ করিতে বারণ করায় ও নাস্তিক্য নিষেধ করার স্পষ্ট অবগতি চাইবে যে নারীশূন্য পূর্বকালে হেতুবাদ করিতে শিখিত এবং অতি ছরুহ ঈশ্বরতত্ত্ব-নিরূপণ বিষয়ে সময়ে সময়ে চিন্তা করিত। দক্ষসংহিতা স্পষ্টরূপে জীলোকের কর্তব্য বা গুণনির্ণয়ে বন্ধ করেন নাই। তিনি উহাদের প্রধান প্রধান গুণের প্রশংসা করিয়াছেন। এবং সংক্ষেপতঃ উৎকৃষ্ট জীলোকের একটি উদাহরণ দিয়াছেন। “পত্নী-বদি স্বামীঃ সন্ন বুল্লিবা চমেন এবং তাঁহার বশায়ুগা হন তবে গৃহশস্যের ভার আশ্রম নাই। তাহা হইলে সেই জীলোক দ্বারা ই দর্শ অর্থ কাম এই ত্রিবর্গ ফললাভ হয়। যদি বর্তমান সময়ে কোরবশস্ত্র জীলোককে যেহুতুরূপ ব্যৱহার

ভারতমহিলা ।

হইতে নিবারণ না করা যায়, তবে উপেক্ষিত ব্যাধির স্তায় সে পশ্চাৎ কষ্টের কারণ হয় ।” জীলোকদিগকে পুরুষের স্তায় শিক্ষা দিবার কথা মনুতে উক্ত আছে, আর পুরুষের স্তায় উহাদিগকে ভাড়া করাও শংখসংহিতায় আছে*—এবং এই নিষিদ্ধ মক্ষণ বলিলেন প্রথম অবধি জীলোককে শাসন করা কর্তব্য । “অনুকূলকারিণী যিষ্টভাষিণী দক্ষা সাধ্বী পতিব্রতা দ্বিতৈশ্চরী স্বামিতলা নারী দেবতা, সে মামুর্ষী নহে ।” বাণার রমণী অনুকূলকারিণী তাহার এইখানেই স্বর্গ ** এক্ষণ পরম্পর গাঢ়াঙ্কুরাগ স্বর্গেও ছলভ । কিন্তু যদি এক জন অনুরাগী ও আর জন অনুরাগী হয় তাহা অপেক্ষা কষ্টকর আর কিছুই নাই । * গৃহে গাস সুখের অন্ত, সে সুখের পত্নীই মূল । সেই পত্নীর বিজ্ঞা বৈদগ্ধ্যবতী ও স্বামীর বশানুগা হওয়া নিতান্ত আবশ্যিক । যদি রমণী সর্বদা থিরা হয় এবং যদি উভয়ের মন এক না হয়, তাহা অপেক্ষা দুঃখ আর নাই । * * * জলোকা কেবল রক্ত শোষণ করে কিন্তু ছুটা রমণী ধন, বিত্ত, বল, মাংস বীর্ষা, সুখশোষণ করিতে থাকে । সে বাল্যকালে সাশঙ্কা, আর যৌবনে বিমুখী হয় এবং আপনার বৃদ্ধপতিকে তৃণতুল্য জ্ঞান করে । অনুকূল, যিষ্টভাষিণী, দক্ষা, সাধ্বী, পতিব্রতা রমণীই লক্ষ্মী তাহাতে আর সন্দেহ নাই । যিনি নিঃস্ব কষ্টমনা হইয়া যথাকালে যথা-পরিমানে স্বামীর শ্রীতিকর কার্যে নিযুক্ত থাকেন, তিনিই ভার্যা । ইতিরা জরা ।”

* “লালনীয়া সদা ভার্যা ভাড়াগীয়া তথৈব চ ।

লালিতা ভাড়াতা তৈব জী স্ত্রীভক্তি ভার্যা ।”

(১ম ও ২য় অধ্যায়ের সংক্ষিপ্তার্থ ।)

এতদূরে স্বতিশাস্ত্রীর জীর্ণ সমালোচনা সমাপন হইল । এট সমুদয় পাঠ করিলে প্রাচীনকালে জীলোকদিগের কিরূপ সামাজিক অবস্থা ছিল, এবং কি কি গুণ থাকিলে জীলোকে প্রশংসনীয় হইতে পারিতেন, তাহা কথঞ্চিৎ অবগত হওয়া যাইবে । যদিও পিতা, বাহাকে ইচ্ছা কস্তাদান করিতে পারিতেন তথাপি তাঁহাকেও শাস্ত্রকথিত গুণশালী বরকেই কস্তা সম্প্রদান করিতে হইত । অন্তকে দিলে তাঁহার পাপ হইত ও ইহলোকে অপযশঃ হইত । বর ইচ্ছা হইলেই জীকে পরিত্যাগ করিয়া অন্য বিবাহ করিতে পারিতেন না । জীলোকের উপর যে কেবল দাস্তকার্য্যমাত্রেরই ভার থাকিত এমন নহে, গৃহস্থের যে গুরুতর কার্য্য, সাংসারিক আয় ব্যয়চিন্তা ও ধনসঞ্চয় তাহার ভারও জীর উপর অর্পিত হইত । এবং বিদেশগত স্বামীর অধিরক্ষায় কেবল জীরই অধিকার ছিল । যদিও জীলোকের স্বাধীনতা অনেক কম ছিল, তাঁহারা ইচ্ছামত সমাজাদিবলে যাইতে পারিতেন ।

তাঁহারা যদিও সর্বত্র দাস্তাধিকারিণী হইতে পারিতেন না তাঁহাদের নিজের ধন কেহই কৌশল বা বলপূর্ব্বক অধিকার করিতে পারিত না, করিলে চোরের স্তায় দণ্ডগ্রহণ করিতে হইত । স্বামী যদি জীর ধন গ্রহণ করিয়া অন্য জীতে আসক্ত হন, তাহা হইলে স্ত্রী ওক টাকা রাজ্য দেওয়াইবেন । যদিও শাস্ত্রে কোন স্থানে স্পষ্ট লেখা নাই যে বহুবিবাহ করিও না, তথাপি বহুবিবাহেরা এত নিন্দা আছে যে বহুবিবাহ না করাই তাঁহাদের

উদ্দেশ্য । রামায়ণের অবোধ্যাকাণ্ড, এক প্রকার বহুবিবাহ-
কারীকে গালি দেওয়ার জন্য লিখিত বলিলেই হয় । কালিকা-
পুরাণে চন্দ্রের রাজসম্মারোগোৎপত্তি বহুবিবাহ পাপের প্রতিকল ।
ঋগ্বেদোপাখ্যানেও বহুবিবাহের দোষ স্পষ্টরূপে দেখিতে পাওয়া
যায় । বিধবা বিবাহ যদিও কলি যুগের জন্য মাত্র, কিন্তু অস্তিত্ব
যুগে ব্রহ্মচর্য্যমাত্র ব্যবস্থা । পৌরাণিক ঋষিরা এবং সংহিতা-
সমূহের টীকাকার মহাশয়েরা বিধবাদিগের যে কঠোর ব্রত
নির্দেশ করিয়া গিয়াছেন প্রাচীন ঋষিরা ততদূর করেন নাই ।
নিষ্ঠুর মতীদাহ মনুসংহিতায় পাওয়া যায় না, বাস্তবিক সংচিত্তায়
আছে । স্ত্রীলোকেরা যে লেখাপড়া শিখিতেন, তাহারু স্মৃতি
স্মৃতি প্রমাণ পাওয়া যায় । শাস্ত্রের সর্বত্রই স্ত্রীলোকদিগের
প্রতি সদ্যবহার করিতে উপদেশ দেওয়া হইয়াছে । উহাদের
উপর অসদ্যবহার করিলে, সে গৃহে লক্ষ্মী থাকে না । অনেক
জাতির মধ্যে যেমন বিবাহ ইন্দ্রিয়মুখতোগের জন্য, আর্ষাদিগের
মত তাহা নহে, তাহারা সন্তানলাভমাত্রের জন্য বিবাহ
করিতেন । নৈষ্ঠিক ব্রহ্মচারীরা অবিবাহিত থাকিতেন, কিন্তু
অগস্ত্য ও জরৎকার উপাখ্যান পাঠ করিলে বোধ হয়, ইহারা
কেবল পিতৃবংশ রক্ষার জন্যই বিবাহ করিয়াছিলেন ।

(স্মৃতিসম্মত উৎকৃষ্ট নারীচরিত্র ।)

বিবাহপ্রথা প্রচলিত হওয়ার পর অবধি স্ত্রীলোকে স্বামী
ভিন্ন অন্য পুরুষের সহবাস করিতে পারিতেন না । করিলে
ঈশ্বার ইচ্ছাকালে-দুঃখ শাস্তিক্ষোগ করিতে হইত, এবং পরকালে
অনন্ত নরকের দর থাকিত । স্ত্রীলোকে স্বামীকে ১ মতান জ্ঞান

দেখিতেন । স্বামীর গৃহকার্য, অতিথিসংকার, দেবপূজা ইত্যাদিতে তাহাদের আসক্ত থাকিতে চাইত । স্বামী পতিত বা পলাতক হইলে, অন্য বিবাহ করিবার যদিও বিধি, দেখা যায়, সে শুদ্ধ কলিযুগের জন্ম । অশ্রান্ত যুগে স্বামী পতিত কুষ্ঠ-রোগাক্রান্ত হইলেও যে তাঁহাকে অবজ্ঞা করিবে, তাহাকে কুকুরী হইয়া জন্মগ্রহণ করিতে হইবে । এইরূপ সামাজিক নিয়ম পালন করিয়া স্ত্রী যদি সরলস্বভাবা দয়ালু গুরুজনে ভক্তিমতী পুত্রাদিতে স্নেহশালিনী এবং পতিপরায়ণা হইলেন, তবে তিনি স্ত্রীলোকদিগের মধ্যে প্রধান ও পূজনীয় বলিয়া পরিগণিতা হইতেন । হেতুবাদ ও নাস্তিক্য স্ত্রীলোকের পক্ষে নিষিদ্ধ । তাহারা ঈশ্বরপরায়ণা হইবেন । তর্কে প্রবৃত্ত হইবেন না এবং হেতুকীদিগের অর্থাৎ বাহারা ধর্মবিষয়ে হেতুবাদে প্রবৃত্ত হন, তাহাদের ও বাহারা স্বধর্ম ত্যাগ করিয়া সন্ন্যাসধর্ম গ্রহণ করি-
য়াছে তাহাদিগের সঙ্গ সাধ্বী স্ত্রী সর্বতোভাবে পরিত্যাগ করি-
বেন । কোনরূপ সাহসকর্মে স্ত্রীলোক কখন প্রবৃত্ত হইবেন
না । স্বামিপুত্রাদির হস্ত চাইতে আপনাকে স্বাধীন করিতে কখন
চেষ্টা করিবেন না । সংস্কৃতে শৈরিনী অর্থাৎ স্নেহাচারিনী এবং
ব্যক্তিচারিনী এক পর্যায়ের শব্দ । কুলটা শব্দ যদিও এক্ষণে
ছুই অর্থে ব্যবহার হয়, তথাপি প্রাচীন গ্রন্থে উহার সম্বন্ধেই
বহুল প্রয়োগ দেখা যায় ।

অত্যন্ত অভিমান, সকল কার্যে অনাভিনিবেশ, ক্রোধ, ঈর্ষ্যা-
ত্যাগ করিলেই স্ত্রীলোক জগতের মাননীয় হইবেন । বঞ্চনা,
হিংসা, অহঙ্কার, স্ত্রীলোকের সর্বপ্রকারে পরিহার্য । লজ্জা
, স্ত্রীলোকের কৃৎসন, পরদৃষ্টি দর্শনে কাতর হওয়া ও পরের

ছন্দোমুর্ভন করা জীলোকের প্রধানতম গুণের মধ্যে গণনীয় । পরিষ্কার থাকি প্রাচীন ঋষিরা বড় ভাল বাসিতেন । ঋষিপত্নীরাও সর্বদা আপন শরীর, গৃহদ্বার ও তৈজসপত্র পরিষ্কার রাখিতেন । অপরিষ্কার ও অশুচি গৃহে লক্ষ্মী কখনই আসেন না এই তাঁহাদের সংস্কার । জীলোক যে অলঙ্কারপ্রিয় হয় তাহা ঋষিরা সম্যক্রূপে অবগত ছিলেন । এই জন্য তাঁহারা বলিয়া গিয়াছেন, পিতা, মাতা স্বামী প্রভৃতি জীলোকের আত্মীয় বান্ধব ও অভিত্যবকেরা সর্বদা তাঁহাদিগকে অলঙ্কারাদি দান করিয়া সন্তুষ্ট রাখিবেন । কিন্তু তাঁহারা আরও নিয়ম করিয়াছেন যে, জীলোকে নিজে কোনরূপ ব্যয় করিতে পারিবেন না । ব্যয়কুষ্ঠতা জীলোকের প্রধান গুণ বলিয়া তাঁহারা নানা স্থানে নির্দেশ করিয়াছেন । ধর্মবিষয়ে স্বামীর ও স্ত্রীর ঐকমত্য অতীব প্রয়োজনীয় । যদি স্বামী শাক্ত হন, ও স্ত্রী বৈষ্ণবী হন তাহা হইলে বিরূপ বিশৃঙ্খলা ঘটে তাহা এদেশীয় কাহারও অবিদিত নাই । একান্ত ঋষিরা নিয়ম করিয়াছেন, (এমন কি বিষ্ণুর প্রথম সূত্রই এই) যে, জীলোক স্বামীর সমানব্রতকারিণী হইবেন । যেমন অস্ত্রাস্ত্র বিষয়েও জীলোকের স্বাধীনতা নাই, সেইরূপ ধর্মবিষয়েও তাঁহাদের স্বাধীনতা নাই । সুনিরা যেমন সৌভাগ্য অর্থাৎ স্বামীর ভালবাসা জীলোকের শ্রেষ্ঠতার কারণ বলিয়া নির্দেশ করিয়াছেন সেইরূপ তাঁহারা নির্দেশ করিয়াছেন যে, লজ্জাশীলা গৃহকার্য-তৎপর্য পতিপরায়ণা জীলোকের স্বামী হওরাও অন্ন পুণ্যের বলে হয় না । স্ত্রী যদি বাধ্য বশীভূত হইলেন তবে স্বর্গে ও মর্ত্যে প্রভেদ কি ? যদিও তাঁহারা জীলোককে সংস্কারবিকা দিবার

অল্প মধ্যে মধ্যে তাড়না করিতে বলিয়াছেন, কিন্তু যত্ন বলিয়াছেন, “সম্ভাবনারদ্বারা, বাহ্যতে জীলোক আপন ইচ্ছার আপন কার্য্য করিতে যত্ন করে তাই করিয়ে । যদি তাহারা আপন ইচ্ছার না করে তবে তাহাদিগকে বলপূর্ব্বক কে সুনীতি শিক্ষা দিতে পারে ?” “কায়মনোবাক্যে বিগুঢ়া রমণী ছায়ার স্তায় স্বামীর অনুগমন করিবেন, সখীর স্তায় হিতকর্মে তৎপর হইবেন, দাসীর স্তায় আত্মপালনে যত্নবতী হইবেন ।” কেহ যে বলিয়াছেন কলহ করা আগামিগের দেশীয় জীলোকের কার্য্য, সেটি তাঁহার অন্তায় বলা হইয়াছে, যেহেতু শাস্ত্রে কলহবিরতাদিগের ভূরি ভূরি প্রশংসা গুনিতে পাওয়া যায় । শ্রিয়বানিনী ও কলহশূন্য রমণী লক্ষীর আবাসভূমি ।

নারায়ণ বা ব্রহ্ম প্রথম আপন শরীরকে দ্বিখণ্ড করিয়া স্ত্রী ও পুরুষ সৃষ্টি করিয়াছেন । বিবাহের পর আবার সেই দুই শরীর এক হইয়া যায় । “অস্থিভিরস্থীনি মাংসৈর্ম্যাংসানি” এই ক্রতি । স্বামীর স্নেহভিতে স্ত্রী স্বগগাণিনী হইলে স্ত্রীও স্বামীকে অপার নরক হইতে উদ্ধার করিয়া তাঁহার সহিত সুখে স্নর্গে বাস করেন ।



তৃতীয় অধ্যায় ।

দ্বিতীয় অধ্যায়ের প্রথমে দুই শ্রেণীর জীলোকের উল্লেখ করা গিয়াছে। যাহারা কোনরূপ প্রলোভনে না পড়িয়া উত্তমরূপে আপনাদিগের কর্তব্যকর্ম সমাধা করিয়া গিয়াছেন, তাঁহাদিগের চরিত্র প্রথমতঃ বর্ণনীয়। আর যাহারা নানারূপ প্রলোভনে পড়িয়াও আপন কর্তব্যকর্মে অণুমাত্র অনাস্থাপ্রদর্শন করেন নাই তাঁহারাষ্ট সর্বপ্রধান শ্রেণীর অন্তর্গত তাঁহাদের চরিত্র অপর এক অধ্যায়ে বর্ণিত হইবে।

দ্বিতীয় অধ্যায়ের শেষভাগে জীচরিত্রের একটা উৎকৃষ্ট চিত্র অঙ্কিত করিবার চেষ্টা করা গিয়াছে। সেটা প্রধানতঃ স্মৃতি শাস্ত্র হইতে সংগৃহীত হইয়াছে। এক্ষণে তাদৃশ নারীচরিত্রের কয়েকটিতে উদাহরণ প্রদর্শন করিতে হইবে। স্মৃতিমধ্যে খবিরী উদাহরণস্বরূপে একটাও জীলোকের নামোল্লেখ করেন নাই। সুতরাং প্রাচীন মহাকাব্য রামায়ণ, প্রাচীন ইতিহাস মহাত্মারত এবং পুরাণাবলী হইতেই উদাহরণ সংগ্রহ করিতে হইবে।

রামায়ণ ও মহাভারত অতি প্রাচীন গ্রন্থ । মহর্ষি বাস্কীকি ও বেদব্যাস ;—পরাশর, অত্রি প্রভৃতি সংহিতাকারদিগের সমকালবর্তী । স্মৃতরাং ঠাহাদিগের গ্রন্থেই স্মৃতিসম্বন্ধে উত্তম উদাহরণ পাওয়া যায় । পুরাণ অনেক পরের লেখা ; পুরাণ রচনা সময়ে আৰ্য্যগণের সে তেজস্বিতা ও সেরূপ চরিত্রের ঔন্নত্য ছিল না । পুরাণ স্কন্দ স্কন্দ আচার ব্যবহার প্রকাশেই অধিক পটু । ঋষিরা যেখানে বলিয়াছেন ব্রহ্মচর্য্য করিবে, পুরাণ সেখানে ব্রহ্মচর্য্যের যত নিয়ম পাইলেন তাহা ত দিলেনই, তাহার পর আবার কতকগুলি লৌকিক আচারও তাহার মধ্যে প্রবেশ করাইয়া দিলেন । শুদ্ধ তাহাতেই তৃপ্ত নহেন, কঠোর ব্রতধারী ব্রহ্মচারীর কঠোর নিয়মও তাহার মধ্যে দিয়া ভয়ানক করিয়া তুলিলেন । এইরূপ ব্রহ্মচর্য্যের টীকা করিতে গিয়া স্বন্দপুরাণে বৈধব্য আচরণ যে কিরূপ শোচনীয় ব্যাপার করিয়া তুলিয়াছেন, বাহারা সে পুরাণ পাঠ করিয়াছেন, তাহারা তাহা বিলক্ষণ অবগত আছেন । পতিসেবা ঋষিদিগের ব্যবস্থা, পুরাণ তাহার বিশেষ করিতে গিয়া, যে কত আগুড়ম্ বাগুড়ম্ লিখিয়াছেন, তাহা বলিয়া উঠা যায় না ।

যাহা হউক এস্থলে আমরা প্রথমোক্ত শ্রেণীর নারীগণের চরিত্রনির্ণয়ে প্রবৃত্ত হইলাম । ইহাদিগের মধ্যে প্রাচীন পুরস্কী অধিক । কয়েকটি পতিপ্রাণা যুবতীও এই শ্রেণীর মধ্যে পরিগণিতা আছেন । ব্রহ্মটৈববর্ত পুরাণের প্রকৃতিখণ্ডে কতকগুলি প্রধান প্রকৃতির নাম প্রাপ্ত হওয়া গিয়াছে । নারায়ণ বলিতেছেন—

রোহিণী চন্দ্রপত্নীচ (১) সংজ্ঞা সূর্যাস্ত কামিনী (২) ।
 শতরূপা মনোভাষ্যা (৩) বশিষ্ঠস্বাপারুঙ্কনী (৪) ॥
 অহল্যা গোকমলী চা (৫) পানসুরাজিকামিনী (৬) ।
 দেবহুতিঃ কর্দ্ধমস্ত (৭) প্রসূতী দক্ষকামিনী (৮) ॥
 পিতৃনাং মানসী কল্যা যেনকা মাধিকা প্রসূঃ (৯) ।
 শোণামুদ্রা (১০) তথাহুতিঃ (১১) কুবেরকামিনী তথা (১২) ।
 বরুণানী ষমজ্ঞীচ (১৪) বলের্বিদ্ধাবলীতিচ (১৫) ।
 কুন্তী চ (১৬) দময়ন্তী চ (১৭) যশোদা (১৮) দেবকী তথা (১৯) ॥
 গান্ধারী (২০) দ্রোপদী (২১) সৌম্যা সাবিত্রী সত্যবৎপ্রিয়া (২২) ।
 বৃকভানুপ্রিয়া সাধ্বী (২৩) রাধামাতা কলাবতী (২৪) ॥
 মন্দোদরী (২৫) চ কোশল্যা (২৬) সূভদ্রা (২৭) কৈটভী তথা (২৮) ।
 রেবতী (২৯) সত্যভামা চ (৩০) কালিন্দী (৩১) লক্ষ্মণা তথা (৩২) ॥
 জাম্ববতী (৩৩) লাঘজিতী (৩৪) মিত্রবিন্দা তথা পরা (৩৫) ।
 লক্ষ্মী চ (৩৬) কুম্বিনী (৩৭) সীতা (৩৮) শরৎ বন্দী একীর্জিতা (৩৯) ॥
 কুল্যা (৪০) বৌদ্ধনগন্ধাচ ব্যাসমাতা মহাসতী (৪১) ।
 বাণপুত্রী তপোবাচ (৪২) চিত্রলেখা চ তৎসখী (৪৩) ॥
 প্রতাবতী ভানুমতী (৪৪) তথা মায়াবতী সতী (৪৫) ।
 রেণুকা চ ভৃগোস্কাতা (৪৬) হলিমাতা চ রোহিণী ॥

উপরি উক্ত গণনার সকল সাধ্বীদিগের নামোল্লেখ নাই,
 কারণ শ্রীবংশপত্নী চিত্রা ও বালিরাম মহিষী তারা প্রভৃতি
 অনেকের নাম দেখিতে পাওয়া যাইতেছে না। আর উহাদের
 দেবতা ও মায়ার কোন ইচ্ছাবিশেষ নাই। এবং প্রকৃতি-
 খণ্ডে ইহাদের সকলের চরিত্র বর্ণনাও নাই। এ প্রকারে

ইহাদের করেকজনের মাত্র জীবনবৃত্তান্ত লিখিত হইবে এবং
তিন বা চারিজনের বিস্তৃত জীবনী সংগৃহীত হইবে ।

লোপামুদ্রা । পৌরাণিক ঋষিরা জীলোকের চরিত্রবিষয়ে
কতদূর উন্নতি করিয়া করিতে পারিয়াছিলেন তাহা অবগত
হইতে হইলে কাশীখণ্ডস্থ লোপামুদ্রার চরিত্র কীৰ্ত্তন পাঠ করা
কর্তব্য । এজন্য আমরা এই বর্ণনাটী সবিস্তার অনুবাদ করিয়া
দিলাম ।

ঋষিরা নৈমিষারণ্যে উপবেশন করিয়া আছেন, এমন সময়ে
যহিষি অগস্ত্য তথায় উপস্থিত হইলেন । তাঁহাকে দেখিয়াই
অন্যান্য ঋষিগণ বলিতে লাগিলেন, “হে মুনে ! তোমার তপো-
লক্ষ্মী আছে—তোমার ব্রহ্মভেজঃ আছে, তোমার পুণ্যলক্ষ্মী আছে
এবং তোমার মনের ঔদার্য আছে । এই পতিব্রতা কল্যাণী
সুধর্মিণী লোপামুদ্রা তোমার অঙ্গচ্ছায়াতুল্যা । ইহার কথা
শুনিলে অস্ত্রে পবিত্র হর । অরক্ষতী, সাবিত্রী, অনসূয়া, সাণ্ডিল্যা,
সতী, ধ্যাতরূপা লক্ষ্মী, মেনকা, সুনীতি, সংজ্ঞা, স্বাহা প্রভৃতির
স্তায় ইনিও অতীব পতিপ্রাণা । কিন্তু ইহাকে যেমন শ্রেষ্ঠ
বলিয়া বর্ণনা আছে এমন আর কাহার নাই । তুমি ভোজন
করিলে ইনি ভোজন করেন, বসিলে উপবেশন করেন, নিদ্রাগত
হইলে নিদ্রাগতা হইলেন এবং তোমার অগ্রে শয্যা ত্যাগ করেন ।
পাছে তোমার আয়ুঃ হ্রাস হয়, এই ভয়ে তিনি কখন তোমার
নাম গ্রহণ করেন না ; পুরুষাঙ্গের নামও কখন মুখে আনেন
না । “এই কর্ম কর,” বলিলে তৎক্ষণাৎ তাহা সম্পাদন
করিয়া, “স্বামিন্ কমা কর” বলিয়া, তিনি কমা প্রার্থনা করেন ।
তুমি আহার করিলে গৃহকার্য ত্যাগ করিয়া সত্বর গমন করেন

এবং বলেন, “নাথ কি জন্ত আহ্বান করিয়াছেন ? আমার প্রতি প্রসন্ন হইয়া আচ্ছা করুন” । দ্বারদেশে অধিকক্ষণ থাকেন না । সর্বদা দ্বারে গমন করেন না, তুমি আচ্ছা না করিলে কাহাকেও কিছু দেন না, তুমি বলিবার আগে পূজার সমস্ত উপকরণ সংগ্রহ করেন । অনুস্থিতভাবে ছুঁই মনে যথাসময়ে অবসর প্রতীক্ষা করিয়া সমস্ত সামগ্রী তোমার নিকট উপস্থিত করেন । তোমার উচ্ছিষ্ট ফলমূলাদি ভোজন করেন । পতিদত্ত সামগ্রী মহাপ্রসাদ বলিয়া ছুঁইচিন্তে গ্রহণ করেন । দেবতা অতিথি পরিবারবর্গ গো সমূহ ও ভিকুগণকে না দিয়া কিছুই ভক্ষণ করেন না । সর্বদা তৈজস পাত্র পরিষ্কার রাখেন । তিনি সকল কার্যে দক্ষা , সর্বদা ছুঁইচিন্তা ও ব্যয়-পরায়ণী । তোমাকে না বলিয়া ইনি কখন উপবাসাদি ব্রতচরণ করেন না । তোমার অনুজ্ঞাব্যতীত সমাজ ও উৎসব-দর্শন ইনি দূর হইতে পরিত্যাগ করেন । বিবাহদর্শনাদি এবং তীর্থযাত্রাদিতে তোমার অনুমতি বিনা প্রবৃত্ত হইবেন না । তুমি যখন স্নেহে নিদ্রা যাও বা স্নেহে উপবেশন করিয়া থাক তখন অতি প্রয়োজনীয় ব্যাপারেও তিনি তোমাকে কিছু বলেন না । স্নান করিবার পর তর্জুবদন মাত্র দর্শন করেন আর কাহার মুখ দেখেন না । যদি স্বামী নিকটে না থাকেন মনে মনে তাঁহারই ধ্যান করেন । হরিদ্রাকুম্ভমসিন্দূরাদি মাঙ্গল্য আভরণ কখন ত্যাগ করেন না, রক্তকী হৈতুকী আশ্রমত্যাগীর সহিত কখন বস্তুতা করেন না । যে স্বামীর ঘেব করে তাহার মুখদর্শন করেন না । কোন স্থানে একাকিনী থাকেন না, উদুখল মূল বর্ষনী প্রস্তরদেহী বস্ত্রক প্রভৃতি হইলে অর্থাৎ

যে যে স্থলে অনেক ছুটে জীলোক একত্র হইবার সম্ভাবনা
সে সকল স্থলে কখন উপবেশন করেন না। স্বামীর সহিত
প্রগল্ভতা করেন না। যে যে দ্রব্যে স্বামীর অভিকৃতি তিনি
সেই সেই দ্রব্যেই সর্বদা প্রেমবতী। তাঁহার ধারণা এই যে,
স্বামীর বাক্য লঙ্ঘন না করাই জীলোকের একমাত্র যজ্ঞ, এক-
মাত্র ব্রত এবং একমাত্র দেবপূজা। স্বামী দুরবস্থ হউন, ব্যাধিত
হউন, বৃদ্ধ হউন, স্তম্ভিত হউন, বা দুঃস্থিত হউন, তাঁহার বাক্য
কখন লঙ্ঘন করিবে না। স্বামী ছুটে হইলে ছুটে হইবে, বিষণ্ণ
হইলে বিষণ্ণ হইবে। সম্পৎ ও বিপদ উভয় সময়েই একরূপই
হইবে। স্নাত লবণ তৈলাদি কুরাইয়া গেলেও স্বামীকে নাচি
একথা বলিবে না ; এবং তাঁহাকে আয়াসকর কার্যে নিযুক্ত
করিবে না। ভীর্ণমানের ইচ্ছা হইলে স্বামীর পাদোদক পান
করিবে। জীর পক্ষে স্বামী, শঙ্কর বা বিষ্ণু সকল হইতেই অধিক।
যিনি স্বামীর আজ্ঞা ভিন্ন ব্রতোপবাসাদি করেন, তিনি স্বামীর
আয়ুঃ হ্রাস করেন এবং নরিয়্য নরকগমন করেন। ডাকিলে যে
স্ত্রী ক্রোধাবিত্ত হইয়া উত্তর দেয় সে যদি গ্রামে জন্মগ্রহণ করে
তবে কুকুরী হয় এবং বনে জন্মগ্রহণ করে তবে শৃগালী হয়।
জীলোকের এই ধর্ম যে স্বামীর চরণসেবা করিয়া আহার করিবে।
কখন উচ্চ আসনে বসিবে না, পরের বাটা বাইনে না, লজ্জাকর
বাক্য ব্যবহার করিবে না। কাহারও অপবাদ করিবে না। দূর
হইতে কলং ত্যাগ করিবে। যে ওড়িঙ হইয়া স্বামীকে তাড়ন
করিতে চেষ্টা করে, সে ব্যাত্তী হয়। দূর হইতে স্বামীকে আসিতে
দেখিয়া যে নারী স্বয়ং গমনে জল, খাদ্য, আসন, তাড়ুল বাজন
পাদসংবাহনী ও চাঁটুবচনদ্বারা প্রিয়ের প্রীতি উৎপাদন করিতে

পারে, সেই ত্রৈলোক্য জয় করে। পিতা অন্নপরিমাণে দেন, ভ্রাতাও অন্ন পরিমাণে দেন, পুত্রও অন্ন পরিমাণে দেন, স্বামী বাহা দেন, তাহার পরিমাণ নাই, অতএব এমন স্বামীকে কে না পূজা করিবে? স্বামী দেবতা, গুরু, তীর্থ, ধর্ম ও ক্রিয়া। অতএব সকল ত্যাগ করিয়া স্বামীর সেবা করিবে। জীবহীন দেহ যেমন অশুচি হয়, স্বামিহীন স্ত্রীও সেইরূপ অশুচি।

লোপামুদ্রার চরিত্র অতি বিস্ময় ও নির্মল এবং তাঁহাকে এই শ্রেণীর কামিনীগণের আদর্শস্বরূপ বলিয়া গণনা করা যায়। তাঁহা অপেক্ষা অনেক গুণবতী রমণী এই শ্রেণীর অল্পবর্তা, এবং তাঁহা অপেক্ষা অনেক অল্পগুণবিশিষ্টাও এই শ্রেণীর মধ্যে পরিগণিত। কিন্তু তিনিই আদর্শ। তাঁহার চরিত্র রামায়ণেও বর্ণিত আছে। যেমন পুণ্যলোক শকটী যুধিষ্ঠিরাদি কয়েকজন ভাগ্যবানের বিশেষণ হইয়া পড়িয়াছে, সেইরূপ “বশস্বিনী” শকটী লোপামুদ্রার বিশেষণ।

মহাভারতীয় শকুন্তলোলোপাখ্যান তৎকালীন স্ত্রীচরিত্রের একটি উৎকৃষ্ট উদাহরণ। ঋষিপালিতা শকুন্তলা রাজার দর্শনাবধি তাঁহার প্রণয়পাশে বদ্ধ হইলেন। রাজাও গান্ধর্ববিধানে তাঁহাকে বিবাহ করিলেন। রাজার গুঁরসে তাঁহার এক পুত্র হইল। রাজা কিন্তু রাজধানী প্রত্যাগমন করিয়া অবধি শকুন্তলার কোন সংবাদ লইলেন না। শকুন্তলা পাঁচ বৎসর অপেক্ষা করিয়া সন্তান ক্রোড়ে করিয়া বাজার বাটীতে উপস্থিত হইলেন। রাজা শকুন্তলাকে চিনিলেন; কিন্তু ছুটামী করিয়া কহিলেন, “তুই কুলটা আমি তোকে কখন চিনি না”। শকুন্তলা তখন রাজাকে আনুপূর্বিক

ঘটনা স্মরণ করাইয়া দিলেন । যে প্রতারণা করিতে বসিয়াছে ভাঙতে তাহার স্মরণ কেন হইবে । শকুন্তলা তখন রাজাকে মিথ্যা কথা কহার কতকগুলি দোষ দেখাইয়া দিলেন এবং এরূপ সাহসের সহিত বক্তৃতা করিতে লাগিলেন যে, সত্যই তাবৎ লোকেই তাঁহার কথার বিশ্বাস করিল । রাজাও শেষ তাঁহাকে আপন ধর্মপত্নী বলিয়া স্বীকার করিলেন, আর প্রতারণা করিতে পারিলেন না । মহাভারত ও রামায়ণে সাধীগণের এরূপ অপূর্ব সাহস দেখা যায়, যে তাহা পাঠ করিলে তৎকালীন রমণীকুলের চরিত্র অতি উন্নত ও বিশুদ্ধ ছিল বলিয়া হৃদয়ঙ্গম হয় । শকুন্তলা, দেবযানী, দ্রোপদী, সীতা সকলেই সাহস-সহকারে স্বামীর সহিত স্তব্ধবিতর্ক করিয়াছেন, তাঁহাকে পরামর্শ দিয়াছেন এবং দুঃলোকদিগকে ভৎসনা করিয়াছেন । এরূপ সাহস দৃশ্যাবহ নহে বরং ইহাকে একটা গুণের মধ্যে গণনা করা উচিত । আমার চরিত্রে পাপস্পর্শ নাই এবং পাপে আমার মন নাই এই দৃঢ় বিশ্বাস থাকিলেই ওরূপ সাহস জন্মে । মহাভারতে পতিব্রতোপাখ্যান বলিয়া একটা অধ্যায় আছে । জীলোকের চরিত্রে বিশুদ্ধ হইলে তাহার যে কিরূপ সাহস হইত তাহার একটা উৎকৃষ্ট দৃষ্টান্ত আছে ।

সাবিত্রী ।—একণে আমরা এই শ্রেণীর সর্বপ্রধান রমণীর চরিত্রবর্ণনা করিব । তাঁহার নাম সাবিত্রী । তিনি অশ্বপতি রাজার কন্যা । মহারাজ অশ্বপতি কন্যাকে বিবাহের উপযুক্ত-বয়স দেখিয়া বলিলেন, সাবিত্রি ! তোমার বিবাহযোগ্য বয়স হইয়াছে অতএব তুমি আমার এই বিশ্বস্ত সারথির সহিত গমন কর । তুমি যাহাকে আপন পতিদে বরণ করিবে তাহারই

সহিত তোমার বিবাহ দিব। তুমি ইহাতে লজ্জিত হইও না, ইহাই আগমোক্ত বিধি, এবং এইরূপেই অনেক রমণী অতি-লম্বিত পতি লাভ করিয়াছে। সাবিত্রী সেই সারথির সহিত নানাদেশে পরিভ্রমণ করতঃ রাজ্যলটে ছ্যমৎসেনের পুত্র সত্যাবানকে তপোবনमध्ये দেখিতে পাইলেন। ছ্যমৎসেনের শক্রর তাঁহাকে রাজ্য হইতে বহিস্কৃত করিয়া দিয়াছে। এবং তাঁহার চক্ষুঃ উৎপাটন করিয়া দিয়াছে। সত্যাবানের গুণের পরিচয় পাইয়া সাবিত্রী তাঁহাকে মনে মনে স্বামী বলিয়া বরণ করিলেন। ইতি-মধ্যে দেবর্ষি নারদ আসিয়া অশ্বপতি রাজাকে কহিলেন, তোমার কন্যা সত্যাবানকে বিবাহ করিবান অন্ত মনন করিয়াছে। * কিন্তু এক বৎসরের মধ্যে উহার মৃত্যু হইবে। তুমি অশ্বপতি কন্যাকে বিস্তর বুঝাইলেন, যে তুমি সত্যাবানকে পরিত্যাগ করিয়া অশ্বপতি অন্বেষণ কর। তখন স্থিরপ্রতিজ্ঞা সাবিত্রী কহিলেন, * তিনি দীর্ঘায়ু হউন, আর অন্নায়ু হউন গুণবানই হউন আর নিঃগুণই হউন, আমি যাহাকে একবার বরণ করিয়াছি তিনি আমার ভর্তা; আমি অন্য লোককে বরণ করিব না। লোকে একবার বই ভাগ লইতে পারে না, কন্যা একবার বই দান করা যায় না, দিলাম একথা একবার বই বলা যায় না, এ সকল এক বার বই হই বার হয় না।

তখন রাজা কন্যার মন ঈপ্সিতার্থে কৃতনিশ্চয় জানিয়া

* দীর্ঘায়ুরথবান্নায়ুঃ সগুণোনির্গুণোহথবা ।
সকুস্কৃতো ময় ভর্তা ।ন বিতীরং যুগোব্যহং ।
সকুদংশো বিপততি সকুৎ কন্যা এদীয়তে ।
সকুদাহ কন্যাবীতি ত্রীণ্যোভানি সকুৎ সকুৎ ।

সত্যবানের সহিত বিবাহ দিলেন । সাবিত্রী কার্যমনোবাক্যে অক্ষয়শুরের ও তপোবনগত গুরুজনের সেবার তৎপরা হইলেন, এবং নিরন্তর দেবসেবার নিযুক্ত রহিলেন । সৰ্বদা প্রার্থনা, হয় সত্যবানের মৃত্যু না হউক, না হয় স্বয়ং উহার অনুমৃত্যু হউন । ক্রমে মৃত্যুর তিথি উপস্থিত । পতিপ্রাণা সাবিত্রীর মন আকুল হইয়া উঠিল । অতিকষ্টে উচ্ছলিত শোকাবেগ সংবরণ করিয়া স্বামীর সহিত ফলমূলাহরণার্থ বনগমনে কৃত-নিশ্চয়া হইলেন । স্বশ্রু ও স্বশুরের অনুমতি লইয়া সত্যবানের বাধা অতিক্রম করতঃ তাঁহার পশ্চাৎ পশ্চাৎ সমস্ত দিন নিবিড় বনমধ্যে পর্যটন করিলেন । সারংকালে সত্যবান ফলভার মস্তকে করিয়া গৃহাভিমুখ হইলেন । কিয়দূর আসিয়া প্রবল শিরঃপীড়ার আক্রান্ত হইয়া সাবিত্রীকে কহিলেন, প্রিয়ে, তুমি এইস্থানে উপবেশন করিয়া ফল রক্ষা কর । আমি তোমার উরুদেশে মস্তক রাখিয়া কণেক বিশ্রাম করি । শিরঃপীড়ার আমি অত্যন্ত কাতর হইরাছি । তখন সাবিত্রী অন্তরে বুঝিলেন যে সেই নিদারুণ সময় উপস্থিত হইরাছে । তিনি দেখিলেন স্বামীর অঙ্গ ক্রমশঃ শীতল হইয়া আসিল । তখন একাকিনী শব ক্রোড়ে করিয়া কত যে ক্রন্দন করিতে লাগিলেন, তাহা কে বর্ণনা করিয়া উঠিতে পারে । ক্রমে রজনী অন্ধকারাচ্ছন্ন হইতে লাগিল । সাধীর ক্রোড়দেশ হইতে মৃতদেহ আনয়ন করা সমদুঃসিগের কার্য্য নহে । সমরাজ স্বয়ং আসিয়া উপস্থিত হইলেন, এবং কহিলেন সাবিত্রি, তোমার স্বামীর দেহে এক্ষণে আমার অধিকার হইরাছে । তুমি আমার কর্তব্য কর্মে কেন বাধা দিতেছ । তোমার ক্রোড়দেশ হইতে মৃতদেহ গ্রহণ

করিতে আমারও সাধা নাই। তুমি উচাকে পরিত্যাগ কর। সাবিত্রী তাহাই করিলেন। যমরাজ মৃতদেহ হইতে অসুষ্ঠপ্রমাণ মূল শরীর সংগ্রহ করিয়া দক্ষিণাভিমুখে গমন করিতে লাগিলেন। সাবিত্রী নির্ভীকচিত্তে তাঁহার পশ্চাৎগমন করিলেন। কিয়দুর গমন করিলে যমরাজ জিজ্ঞাসা করিলেন, সাবিত্রি, তুমি কেন আমার অনুবর্তন করিতেছ, ইহাতে তোমার কিছুমাত্র লাভ নাই। বৃথা পরিশ্রম হইতেছে মাত্র। তখন সাবিত্রী কহিলেন, “স্বামীর সমীপে আমার শ্রম কোথায় ?* স্বামী যে স্থানে গমন করিবেন আমিও সেই ধানে বাইব। হে সুরেশ আপনি আমার স্বামীকে যেখানে লইয়া বাইতেছেন, আমি তথায়ই গমন করিব।”

কিয়দুর গমন করিয়া যমরাজ বলিলেন তুমি সত্যবানের জীবন ভিন্ন কি প্রার্থনা কর। তিনি বলিলেন যাহাতে আমার ঋণের অক্ষয় মোচন হয়, করুন। যমরাজ “তথাস্তু” বলিলে সাবিত্রী পুনরায় তাঁহার পশ্চাৎগমন করিলেন। যমরাজ দ্বিতীয় ও তৃতীয় বরে তাঁহার ঋণের রাজ্যপ্রাপ্তি ও পিতার শত পুত্র হইবে বলিয়া তাঁহার প্রীতি উৎপাদন করিলেন। সাবিত্রী তথাপি আসিতেছেন দেখিয়া যমরাজ কহিলেন, “তুমি বাটী কিরিয়া যাও, সেখানে তুমি রাজ্য ভোগ করিতে পারিবে। তুমি কেন বৃথা কষ্ট পাইতেছ।” সাবিত্রী তখন পুনরায় কহিলেন, “স্বামীর সহিত গমনে আমার শ্রম কোথায় ?” আর আপনি যে রাজ্যভোগের

* “শ্রমঃ কৃত্তো তর্কসমীপতো নে
বতো হি তর্কো নম সা গতিঃ ক্রবম্।

বতঃ পতিং নেব্যতি তত্র যে গতিঃ সুরেশঃ”

কথা কহিতেছেন, আমার স্থির প্রতিজ্ঞা শ্রবণ করুন । স্বামী বিনা আমার সুখে কাজ নাই । * স্বামী বিনা আমার সৌভাগ্যে কাজ নাই । স্বামী বিনা আমি স্বর্গেও যাইতে চাহি না । স্বামিহীন জীবন আমার পক্ষে নিতান্ত নিশ্চরোদ্ভব ।”

তখন যমরাজ জানিলালন সাবিত্রী সামান্য রমণী নহেন । তিনি সাবিত্রীর পতিপরায়ণতার বিস্তর প্রশংসা করিয়া তাঁহার স্বামীর জীবন তাঁহাকে অর্পণ করিলেন । সাবিত্রী পতিদেহে তাঁহার আত্মা সংযোগ করিয়া দিলে সত্যবান্ জীবনপ্রাপ্ত হইলেন এবং কহিলেন “উঃ অনেক রাত্রি হইয়াছে । পিতামাতা আহারাভাবে অত্যন্ত কষ্ট পাইতেছেন । এই বলিয়া সত্বরপদে তপোবনান্ধিমুখে গমন করিতে লাগিলেন । সাবিত্রীও পূর্ণমনোরথ হইয়া হৃষিকুণ্ডিতবেগে তাঁহার অনুগমন করিতে লাগিলেন ।

এক্ষণে দেখা যাউক সাবিত্রী প্রাচীনকালের রমণীচরিত্রের একটী উৎকৃষ্ট চিত্র কি না । সাবিত্রী বাল্যকালে পিতার বশীভূতা ছিলেন । পরে পিতার আদেশানুসারে অভিমত পতিলাভ করিবার জন্য পিতার এক জন সারথির সহিত বনে বনে ভ্রমণ করিতে লাগিলেন । তিনি যে বর মনোনীত করেন তিনি সর্বগুণসম্পন্ন । ইহাতে সাবিত্রী লোকবৃত্তান্ত বিষয়ে বিশেষরূপ পারদর্শিনী ছিলেন বোধ হয় । তিনি শুদ্ধ ঐশ্বর্য রূপ

* ন কামরে ভর্ষ্বিনাকৃত্য সুখং
ন কামরে ভর্ষ্বিনাকৃত্য স্রিয়ং ।
ন কামরে ভর্ষ্বিনাকৃত্য দিবঃ
ন ভর্ষ্বহীনং ব্যবসানি জীবিতং ॥

বা বল দেখিয়া বর মনোনীত করেন নাই । সত্যবান্ শুধন একজন অক্ষুণ্ণ পুত্র, নিজে বন হইতে ফলমূলাহরণ করিয়া পিতামাতার ভরণপোষণ করেন । তাঁহার অবস্থার এমন কিছুই ছিল না যাহাতে রমণীর মন আকর্ষণ করে ।

একবার সত্যবানকে মনঃপ্রাণ সমর্পণ করিয়া সাবিত্রী তাঁহাকে চিরদিনের জন্য পতিরূপে বরণ করিলেন । দেবর্ষি নারদ ও মহারাজ অশ্বপতি কত বুঝাইলেন, শুনিলেন না । বলিলেন এ সকল কাজ একবার ছাড়া দুইবার চর না । বিবাহের পর স্বশুরালয়ে গমন করিয়া অক্ষুণ্ণের সেবার ও গৃহকার্যে ব্যাপ্ত হইলেন । তিনি যে স্বামীর মৃত্যুতথি জ্ঞানিতে পারিয়াছিলেন তাহা একদিনের জন্য কাহাকে জানিতে দিলেন না । কিন্তু সর্বদাই ইষ্টদেবের আরাধনা করিতে লাগিলেন । এবং নানাবিধ কঠোর নিয়ম ও ব্রতপালন করিতে লাগিলেন । মৃত্যুর দিবস উপস্থিত জানিয়া কাহারও কথা না শুনিয়া স্বামীর সহিত বনে গেলেন । সেখানে যাহা যাহা ঘটিল পূর্বে উক্ত হইয়াছে । বমরাজকে শব দিয়া অবধি তাঁহার অনুগমন করিতে লাগিলেন । বমরাজ বব দিতে আসিলে চতুরা সাবিত্রী এই সুযোগে পিতা ও স্বশুরের শুভবর প্রার্থনা করিলেন । তিনি স্বামিবিরোগে অধীরা হইয়াছিলেন বটে, কিন্তু তাঁহার জ্ঞান ছিল । ওরূপ ভয়ানক সময়ে বর দিতে আসিলে প্রাকৃত রমণীরা কখনই সাবিত্রীর স্থায় দক্ষতার সহিত কার্য করিতে পারেন না । স্বামী তাঁহার সর্বস্ব, তাঁহার জন্ম প্রাণ দিতে প্রস্তুত । কিন্তু তাহা বলিয়া পিতামাতার প্রতি কর্তব্য কর্ম তিনি একবারও বিস্মৃত করেন নাই । তিনি যদি

শুদ্ধ পতিব্রতা হইতেন সেই ঘোর রক্তনীতে স্বামীর মৃতদেহের উপর স্বয়ংও প্রাণত্যাগ করিতেন ; তাহা হইলে তিনি রমণী-কুলের শিরোভূষণ বলিয়া গণ্য হইতেন না । কত শত পতিপরারণা রমণী স্বামীর অলস চিত্তার আত্মসমর্পণ করিয়াছেন কিন্তু সাবিত্রীর স্মার কেহই জগতীতলে মাননীয় হইয়াছেন নাই । সাবিত্রী পতিপ্রাণা ছিলেন তাহার সন্দেহই নাই । কিন্তু তাঁহার অনন্ত-নারীসাধারণ অনেক গুণও ছিল । এবং সেই জন্যই এতদেশীয় রমণীরা ঠিকঠিকমতে সাবিত্রীব্রত করিয়া থাকেন । কোন্ রমণী এক বৎসরের মধ্যে পতির মৃত্যু হইবে জানিতে পারিলে তাহাকে বিবাহ করেন ? কোন্ রমণী বৎসরাবধি সেই সংবাদ গোপন করিয়া রাখিতে পারেন ? কেই বা তাদৃশ ঘোর বিপৎপাত সময়ে হতচেতনা না হইয়া অভিলষিত সিদ্ধিতে দৃঢ়নিশ্চয়া হইতে পারেন ? এবং কেই বা তাদৃশ সময়ে আপনার সকল কর্তব্য কর্মের প্রতি দৃষ্টি রাখিয়া চলিতে পারেন ?

স্বস্তিসংহিতাদিতে যত গুণ থাকা প্রয়োজন বলে, সাবিত্রীর তাহা সকলই ছিল । তাহার উপর তাঁহার পুরুষের স্মার নির্ভীকতা, সত্যনিষ্ঠতা, দৃঢ়প্রতিজ্ঞতা প্রভৃতি নানা গুণ ছিল বলিয়াই তিনি সাবিত্রীর অবতার বলিয়া গণ্য হইয়াছেন । সত্য বটে তাঁহাকে সীতা, দ্রৌপদী প্রভৃতির স্মার নানা প্রলোভনে পড়িতে হয় না । কিন্তু তাঁহার চরিত্র দৃষ্টে বোধ হয় সেরূপ প্রলোভনে পড়িলে তিনি তাঁহাদিগের অপেক্ষাও অধিক বলশ্রিনী হইতে পারিতেন । তিনি এই শ্রেণীর রমণীগণের মধ্যে সর্বোৎকৃষ্টস্বভাবা তাহাতে কোনরূপ সন্দেহ নাই । দময়ন্তী সীতা প্রভৃতি রমণীগণাপেক্ষাও অনেক বিষয়ে তাঁহাকে উন্নত-চরিত্রা বলিয়া বোধ হয় ।



চতুর্থ অধ্যায় ।

শেষোক্ত শ্রেণীর কামিনীগণের মধ্যে দ্রৌপদী, দময়ন্তী ও সীতা সর্বপ্রধান। শ্রীবৎসমহিষী চিন্তা, যতরাষ্ট্রমহিষী গান্ধারী, প্রভৃতি নারীগণ এই শ্রেণীর অন্তর্ভুক্ত। ইহাদের চরিত্রের মধ্যে পতিপরায়ণতাই বিশেষ গুণ। গান্ধারীর স্বামী অন্ধ হইলেও তিনি যাবজ্জীবন স্বামিসুশ্রুতা করিয়াছেন এবং তিনি চিরদিন সাধ্বী বলিয়া বিখ্যাত হইয়াছেন; স্বয়ং শ্রীকৃষ্ণ তাঁহার শাপে কষ্ট পাইয়াছেন। তিনি পুত্রাদির মৃত্যুর পর তাহাদিগের রমণীবর্গকে অনেক করিয়া দুঃখাইয়াছিলেন। তাহাদের সকলেই সহগমন করিল। তিনি শোকজর্জরিত হইয়াও স্বামীর সেবার জন্য জীবিত রহিলেন। এবং পরিশেষে আশ্রমে থাকিয়া পুত্রির সহিত কালাতিপাত করিতে লাগিলেন।

দময়ন্তী স্বয়ংবরে দেবতাদিগকে অতিক্রম করিয়াও নলকে বিবাহ করেন এবং বনমধ্যে তিনি নানাবিধ কষ্ট পাইলেন এই হই কারণেই তিনি আমাদিগের দেশে আদরণীয়া হইয়া-

ছেন । তাঁহার ইতিবৃত্ত পাঠ করিলে কলি স্পর্শ করিতে পারে না । মহর্ষি বেদব্যাস তাঁহাকে প্রিয়বাদিনী বলিয়া পরিচয় দিয়াছেন এবং তাঁহার অন্ত কোন গুণের কথা উল্লেখ করেন নাই । কিন্তু উপরিউক্ত দুইটা কার্য দ্বারা তাঁহার চরিত্রের ঔন্নত্য ও বিস্তৃতি প্রতিপন্ন হইতেছে । অহর্যা বিবাহিতা এবং পুত্রবতী হইয়াও, যে প্রলোভন অতিক্রম করিতে না পারিয়া নানা কষ্ট পাইলেন, দময়ন্তী অবিবাহিতা বালিকা হইয়াও সেই সকল প্রলোভন অতিক্রম করিলেন ।

শ্রীবৎস রাজার মহিষী চিন্তার চরিত্র অনেক অংশে দময়ন্তীর সদৃশ । তাঁহার চরিত্র পাঠ করিলে শনির দশা হয় না ।

দ্রৌপদী সংস্কৃত গ্রন্থাবলীর মধ্যে একটি প্রশংসনীয় কাহিনী তাহাতে সন্দেহ নাই । তিনি স্বামীদ্বিগকে বিবাহ করিলেন তাহাদের রাজ্য নাই । তাহারা অতি দুঃখী, ক্ষত্রিয় হইয়াও ব্রাহ্মণবেশে ভিক্ষা করিয়া বেড়ায় । তিনি তাহাতেই সন্তুষ্ট । বিবাহের পর এক কুন্তলকারের গৃহে উপস্থিত । এই তাঁহার স্বপ্নরাজ্য । শেষে তাঁহার স্বামীর রাজ্য পাইল । তিনি রাজমহিষী হইলেন । রাজসুয়বজ্জ হইল, ইহাতে তিনি লোকের সহিত এরূপ ব্যবহার করিলেন যে, সকলেই তাঁহাকে সূখ্যাতি করিতে লাগিল । শেষে যুদ্ধিরের দোষে রাজ্য গেল, ধন গেল । যুদ্ধির দ্রৌপদী পর্যাস্ত হারিলেন, সভার মধ্যে ছরাচারে তাঁহার যার পর নাই অবমাননা করিল । পরে তিনি স্বামীদ্বিগের সহিত বনগামিনী হইলেন । অর্জুনের আরও ভাৰ্য্যা ছিল, ভীষ্মেরও ছিল, সকলেই আপন আপন বাটী রহিল, কেবল দ্রৌপদী স্বানিতাগ্যে আপন ভাগ্য মিশাইলেন ।

বনেও তাঁহার কষ্টের একশেষ । তিনি স্বামীদিগের সেবা করিতেন ; বৃষ্টিরের সহস্র শ্রান্তক ব্রাহ্মণ ভোজন করাইতেন ; অনেক রাত্রিতে স্বয়ং ভোজন করিতেন ; সর্বদা নীতিশাস্ত্রে পরামর্শ দিতেন । তিনিই পরামর্শ দিয়া অর্জুনকে ইন্দ্রসন্নিধানে প্রেরণ করিয়া পাণ্ডবসৌভাগ্যের সূত্রপাত করেন । শ্রীকৃষ্ণ দ্রৌপদীর অত্যন্ত প্রশংসা করিতেন । দ্রৌপদী সর্বদা ধর্মকথা শ্রবণ করিতেন । একদিন বৃষ্টির মার্কণ্ডের মুনিকে বিজ্ঞাসা করিয়া- ছিলেন, দ্রৌপদীর ঋষি ধর্মপরামর্শ ও সর্বগুণসম্পন্ন কাশিনী আর আছে ? যদিও দ্রৌপদী কোনরূপে অসহ বনবাসঘন্ত্রণা সহ করিলেন, তাহার পর আবার দাসত্ব । বনে যেমন ক্রমক্রমে তাঁহার প্রতি অত্যাচার করে, বিরাটরাজত্বনে কীচকও সেইরূপ অত্যাচার করিল । দুই বারই ভীম তাঁহাকে রক্ষা করিলেন । তাহার পর যুদ্ধের উদ্যোগের সময় তিনি একজন প্রধান উদ্যোগী । যুদ্ধের পর আর তাঁহার উল্লেখ পাওয়া যায় না । বক্রবাহনহস্তে অর্জুনের পরাস্তব হইলে তিনি অত্যন্ত পরিতাপ করিতে লাগিলেন এবং শ্রীকৃষ্ণকে প্রেরণ করিয়া তাঁহার পুনরুদ্ধার সাধন করিলেন । পরে স্বামীদিগের সচিত্ত মহাপ্রস্থানে গমন করিয়া সর্বপ্রথমেই দেহত্যাগ করিলেন ।

“দ্রৌপদী সতীলক্ষ্মী ছিলেন । যদিও তাঁহার গর্ভ স্বামী চইয়াছিল, তিনি সেই গর্ভস্বামীরই মনোরমা হইয়া সতীর মধ্যে অগ্রগণ্যা হইয়াছিলেন । ইহা ভিন্ন তিনি অতি ধর্মপরামর্শ পতিব্রতা দয়ালী ছিলেন এবং অধীনগণকে মাণ্ডার ঋষি পালন করিতেন । রাজবস্ত্রা ও রাজভাষ্যা হইয়াও তিনি

পতিগণের সঙ্গে সঙ্গে বনে বনে ভ্রমণ করিয়াছিলেন, এই সকল গুণে তাঁহার নাম প্রাতঃস্মরণীয় হইয়াছে ।”

সীতা । বায়ীকির সীতা একটি সুশীলা ও শাস্ত্রস্বভাবা বালিকা—তিনি বিবাহের পর সর্বদা স্বামিসুখায় ব্যাপ্তা থাকিতেন । রামচন্দ্র এই সময়ে সীতার সহবাসে বেরূপ আনন্দ লাভ করিয়াছিলেন, তিনি সর্বদাই সেইরূপ বিভূক্ত আনন্দ লাভের জন্য উৎসুক থাকিতেন । রাম কেকয়ীর গৃহ হইতে প্রত্যাবৃত্ত হইয়া যখন সীতাকে বনগমনের কথা বলিলেন, তখন সীতাও তাঁহার সহগামিনী হইতে উৎসুক হইলেন । এই সময়ে তাঁহার যে কথাবার্তা হইয়াছিল, তাহা পাঠ করিলে সকলেরই হৃদয় কক্কণরসে আপ্ত হয় । সীতা বনবাসে বাইবেন, রাম তাঁহাকে বাধা দিবেন । রাম কত বুঝাইলেন, বনগমনের নানা কষ্ট বর্ণনা করিলেন, গৃহবাসের সুখ বর্ণনা করিলেন ; গৃহবাস করিলে নানাবিধ ধর্ম কর্ম করিতে পারা যায় এবং তাহারারা স্বামীর নানাবিধ কল্যাণসাধন করিতে পারা যায় । সীতা অশ্রু-বাঁজাবাদের পর বলিলেন, আমার না লইয়া বনে যাওয়া তোমার কোন মতেই উচিত নহে ।* তোমার সহিত তপশ্রাই করি, আর বনেই বাস করি, সেই আমার স্বর্গ । আমি তোমার পশ্চাৎ পশ্চাৎ গমন করিয়া কিছুতেই ক্লান্তি বোধ করিব না । তুমি

* স স্বামিনাদায় বনে ন কং প্রোহাতু মর্হসি ।
 ভগ্নো বা যদি বারণ্যং স্বর্গোবা স্তাৎস্বরা সহ ।
 ন চ মে ভবিতা কশ্চিত্তত্র পথি পরিশ্রমঃ ।
 পৃষ্ঠত শুব গচ্ছন্ত্যা বিহারশরমেধিব ।
 কুশকাশশরেযীকা বে চ কটকিনো ক্রমাঃ ।
 ত্লাম্বিনসম্পর্শা বার্গে যম সহ স্বরা ।

আমায় যে কুশ-কাশ-শরের তীক্ষ্ণ অগ্রভাগ ও কণ্টকীকৃতের ভয় দেখাইতেছ, আমি নিশ্চয় বণিতেছি, তোমার সহিত গমন কালে তাহাদের স্পর্শ তুলা ও অগ্নিরের স্তায় কোমল হইবে। এই বলিয়া তিনি রামের গলদেশ ধারণ করতঃ রোদন করিতে লাগিলেন। রাম তখন আর অস্বীকার করিতে পারিলেন না, তিনি উহাকে বনে লইয়া যাইব বলিয়া অস্বীকার করিলেন এবং নানা প্রকারে সাধনা করিতে লাগিলেন।

রামের সহিত শক্র শত্রুদিগকে প্রণাম করিয়া সীতা বসন ভূষণ পরিত্যাগপূর্বক জটা ও বকল ধারণ করিতে গেলেন। তিনি নিতান্ত মুগ্ধতায়া। বকল কিরূপে ধারণ করিতে হয় জানেন না। তিনি একখানি চীরবস্ত্র হস্তে ধারণ ও অপর খানি হস্তে নিক্ষেপ করিয়া শূণ্যদৃষ্টিতে রামের দিকে চাহিয়া রহিলেন এবং অপ্রতিভমুখে সাশ্রনয়নে রামকে কহিলেন, আমি! চীরধারণ কিরূপে করিতে হয়? রাম তখন সীতার কোষের বস্ত্রের উপরি চীরধর সংযোগ করিয়া দিলেন। তাহার পর সীতা স্বামীর সহিত বনে বনে নানা কষ্ট পাইয়াছেন। পথগমনে তিনি সর্বদাই ক্লান্ত হইয়া পড়িতেন। কদর্যা বনফল মাত্র তাঁহার আহার ছিল। পর্ণশয্যার শয়ন ছিল। কিন্তু তাঁহার সে সকল কষ্ট কেবল বামমুখাবলোকন করিয়া দূর হইত। চিত্ত-কূট হইতে পঞ্চবটীগমনসময়ে সীতা রামকে অকারণ বৈর করিতে নিষেধ করিয়া একটা সুদীর্ঘ বক্তৃতা করিয়াছেন।

যখন রামণ তাঁহাকে হরণ করিয়া লইয়া গেল, সে রথের উপরে তাঁহাকে কত বুঝাইতে লাগিল। সীতে, আমিই তোমার সঙ্গ পতি। তুমি আমার স্ত্রী হও। দেবতারাও

তোমার অধীন হইবে । আমার পাটরাণীও তোমার দাসী হইবে । পাঁচ হাজার দাসী তোমার পরিচর্য্যার নিযুক্ত থাকিবে । সীতা তাহার কথার কর্ণপাতও না করিয়া তাহাকে বলিলেন, রামের সহিত তুলনার তুমি শৃগালস্বরূপ, দাঁড়কাক স্বরূপ । আমি রামভিন্ন আর কাহাকেও জানি না । তুমি আমার হরণ করিতেছ ইহার জন্ত তোমার সবংশে মরিতে হইবে ।

যখন রাবণের অন্তঃপুরে তিনি বন্দী, রাবণ প্রত্যহ তাঁহার উপাসনা করে, তাঁহার পারে পড়িয়া তাঁহার প্রীতি উৎপাদনের জন্ত চেষ্টা করে ; সীতা তাহাকে কেবল বলেন, রাম নামে পরম ধার্মিক পুরুষ, তিন লোকে বিখ্যাত, তাঁহার বাহু দীর্ঘ ও জরন বিশাল, তিনিই আমার স্বামী ও আমার দেবতা ।*

অনেক দিন এইরূপে গেলে একদিন রাবণ বলিল, তুমি যদি আর একমাসের মধ্যে আমার স্বামী বলিয়া স্বীকার না কর তোমার মাংসভোজন করিয়া মনস্কামনা পূর্ণ করিব । তখন পতিপরায়ণা সীতা অগুমাত্র ভীত না হইয়া বলিলেন, আমার এ শরীর সংজ্ঞাহীন, তুমি ইচ্ছা হয় ইহাকে রক্ষা কর, ইচ্ছা হয় ইহাকে নাশ কর, আমি আমার শরীর ও জীবন কিছুই রক্ষা করিতে ইচ্ছা করি না ।†

হনুমান্ আসিয়া অশোকবনमध्ये সীতাকে দেখিলেন । সীতা মজ্জনোন্মুখ নৌকার ন্যায় শোকভারে আক্রান্ত হইয়া

* রামো নাম স ধর্মান্না ত্রিভূ লোকেষু বিখ্যতঃ ।

দীর্ঘবাহুর্বিশালাক্ষেঃ দৈবতং স পতির্মম ।

† ইদং শরীরং বিঃসংজ্ঞং রক্ষ বা বাতরম্ব বা ।

। মেদং শরীরং রক্ষ্যং মে জীবিতকামি রাক্ষস ।

ক্রমাগত অশ্রুপাত করিতেছেন; রাবণ তাঁহার নিকট বহুসংখ্যক রাক্ষসী রাখিয়া দিয়াছে। তাহারা দিনরাত তাঁহাকে প্রলোভন দেখাইতেছে, ভয় দেখাইতেছে, কখন বা তাঁহাকে মুখব্যাধান করিয়া গ্রাস করিতে আসিতেছে। কিন্তু তিনি আপনগুণে সেই ভয়ানক রাক্ষসপুত্রীমধ্যেও ত্রিষ্কটা ও সরযা নামী দুই রাক্ষসীকে সখী পাইয়াছেন। তাহারা অবসর পাইলেই তাঁহাকে সাঙ্গনা করে। হনুমান্কে দেখিয়া সীতা অনেক দিনের পর আনন্দ প্রকাশ করিলেন। তিনি হনুমান্কে আশীর্বাদ করিলেন, রামকে আপন মনের কথা বলিয়া পাঠাইলেন। তখন তাঁহার ভরসা হইল, রাম তাঁহাকে অবশ্য উদ্ধার করিবেন।

রাবণবধের পর বিভীষণকে রাজ্যে অভিষেক করিয়া রামচন্দ্র সীতাকে আনয়ন করিবার জন্য লোক পাঠাইলেন। সীতা উপস্থিত হইলে বলিলেন, সীতে! আমি তোমার উদ্ধারসাধন করিয়াছি, শক্রনাশ করিয়াছি এবং কলঙ্ক অপনয়ন করিয়াছি। আজি বিভীষণাদির শ্রম সফল হইল। এই সকল কথা শুনিয়া সীতার মুখ বিকসিত হইল; আনন্দাশ্রুতে তাঁহার মুখ ভাসিয়া গেল। তখন রাম কর্কণশব্দে কহিলেন, জানকি! আমার কৰ্ম আমি করিয়াছি। কিন্তু তোমাকে আমি গ্রহণ করিতে পারি না। তুমি পরগৃহে অনেক দিন বাস করিয়াছ। আমি সংকুলপ্রসূত হইয়া তোমাকে গ্রহণ করিলে কেবল নিন্দাভাগী হইব মাত্র। অর্থাৎ তোমার অসুখতি দিতেছি, তোমার বাহাকে ইচ্ছা হয়, আশ্রয় করিয়া জীবন রক্ষা কর। সীতা এই পরুষ বাক্যে অত্যন্ত ব্যথিত হইয়া বাষ্পমোচন করিতে লাগিলেন এবং কহিলেন, স্বামিন্, তুমি আমাকে প্রাকৃত ঈশ্বরী শ্রাব্য

ভাবিলে । আমি লঙ্কাপুরীর মধ্যে কি অবস্থার বাস করিয়াছি তোমার দূত হনুমান্ সম্পূর্ণরূপে অবগত আছে । অতএব এক্ষণে আমাকে এক্ষণে পরিত্যাগ করা কি যুক্তিসিদ্ধ হইতেছে ? তুমি যে বাল্যকালে আমার পাণিগ্রহণ করিয়াছ, সে কথা একবার মনেও করিলে না । আমার স্বভাব ও ভক্তির কথা সমস্তই ভুলিয়া গেলে ? *

এই বলিয়া লক্ষ্মণকে চিত্তাসজ্জা কবিত্তে কহিলেন এবং সর্বসমক্ষে বহ্নিপ্রবেশ করিলেন । বহ্নিপ্রবেশসময়ে দেবতা ও ব্রাহ্মণদিগকে প্রণাম কবিয়া কৃতাজ্জলিপুট বলিলেন, “যেহেতু আমার মন কখনও বাস হইতে অপনীত হয় নাই, অতএব লোকসাক্ষী পাবক আমার রক্ষা করুন । যেহেতু রামচন্দ্র আমার শুদ্ধচরিত্রা বলিয়া জানেন, অতএব লোকসাক্ষী পাবক আমার রক্ষা করুন । যে হেতু আমি কায়মনোবাক্যে রামচন্দ্রেরই সেবা করিয়াছি, অতঃ কাহারও কথা কখন মনে করি নাই, অতএব লোকসাক্ষী পাবক আমার রক্ষা করুন ।” †

অগ্নিপ্রবেশ করিলে তাঁহার কিছুমাত্র ক্ষতি হইল না । সকলে ধন্ত ধন্ত বলিয়া তাঁহার সাধুবাদ করিতে লাগিল ।

* ন প্রমালীকৃতঃ পাণি বালো মম নিপীড়িতঃ ।

মম ভক্তিঞ্চ শীলঞ্চ সর্বং তে পৃষ্ঠতঃ কৃতং ।

† যথা মে হৃদয়ং নিশাং নাপসর্পিত্তি রাঘবাৎ ।

তথা লোকস্য সাক্ষী মাং সর্বতঃ পাতু পাবকঃ ।

যথা মাং শুদ্ধচারিতাং দৃষ্ট্বা জানাতি রাঘবঃ ।

তথা লোকস্য সাক্ষী মাং সর্বতঃ পাতু পাবকঃ ।

কর্মণা মনসা বাচা যথা নাতিচরামাহং ।

রাঘবং সর্বধর্মজ্ঞং তথা মাং পাতু পাবকঃ ।

সীতা বহুকাল রামগৃহে অবস্থান করিলে পর ভদ্রক নামে একজন লোক প্রসঙ্গক্রমে সত্যামধ্যে বলিল রাবণগৃহে বহুকাল থাকিলেও রাম সীতাকে গ্রহণ করিয়াছেন বলিয়া প্রজ্ঞাবা অনেকে তাঁহার নিন্দা করে । রাম ক্ষত্রিয়পুরুষ, তাঁহার ধর্মনীতে বিশুদ্ধ ক্ষত্রিয়শোণিত প্রধাবিত, তিনি তৎক্ষণাৎ সীতা পরিত্যাগে সংকল্প করিয়া লক্ষ্মণকে বলিলেন, “তুমি আশ্রমগমনব্যাপদেশে সীতাকে ভাগীরথীতীরে পরিত্যাগ করিয়া আইস ।” লক্ষ্মণও সীতাকে লইয়া গেলেন । সীতা নিদারুণ পরিত্যাগসংবাদ শ্রবণ করিয়া ক্ষণকাল হতচেতন হইয়া রহিলেন । পরে লক্ষ্মণকে সম্বোধন করিয়া বলিলেন, “বৎস, নিরন্তর নিতাস্ত হৃৎকোষ্ঠীগের জন্তই আমার দেহ সৃষ্টি হইয়াছিল । আমি পূর্বজন্মে যে কি পাপ করিয়াছিলাম, কোন্ পতিপরায়ণা নারীকে ‘অসহ পতিবিরহ যজ্ঞ’ দিয়াছিলাম বলিতে পারি না, নচেৎ নৃপতি আমার কেন পরিত্যাগ করিবেন ।” পুনশ্চ বলিলেন, “লক্ষ্মণ, তুমি আর্গ্যা-পুত্রকে বলিও যে তিনি আমার প্রতি ষেরূপ ব্যবহার করুন না কেন, তিনিই আমার পরম গতি । তাঁহাকে সর্বদা আপন কর্ণে অবহিত হইতে বলিও ।” এরূপ সময়েও সমস্ত অন্তঃকরণের সহিত পতিকল্যাণ কামনা করা প্রাকৃত রমণীর কার্য নহে । সীতার বাক্যের প্রত্যেক অক্ষরেই তাঁহার হৃদয়ের গভীর ভাব এবং অলৌকিক প্রণয় প্রকাশ পাইতেছে ।

অনাথা সীতা আবার ষাটশ বৎসর বনবাস করিলেন এবং ঋষিরা আবার রামকে তাঁহার পুনর্গ্রহণের জন্ত অমুরোধ করিলেন । রামও আবার সর্বসমক্ষে সীতার পরীক্ষা লইতে সংকল্প করিলেন । এবার অগ্নিপরীক্ষা নহে—এবার শপথ ।

সীতা বধন সভামধ্যে উপস্থিত হইলেন, তখন তাঁহার নয়ন স্বপদে অর্পিত, . তাঁহার মনের ভাব কিরূপ তাহা বর্ণনা করা দুঃসহ । তাঁহার অলৌকিক অনির্বচনীয় প্রণয় পূর্ববৎই আছে ; কিন্তু সভামধ্যে পুনঃ পুনঃ পরীক্ষা দেওয়ার তাঁহার মনে দারুণ কষ্ট উপস্থিত হইয়াছে ; প্রাচীন রমণীমূলত তেজও বিলক্ষণ আছে । তিনি সভামধ্যে প্রবেশ করিয়া কোন দিকে দৃষ্টিনিষ্ক্ষেপ করিলেন না । কিরংক্ষণ নিস্তব্ধভাবে থাকিয়া করুণস্বরে স্বীয় জননী পৃথিবীদেবীর নিকট প্রার্থনা করিতে লাগিলেন । তাঁহার তখন-কার অবস্থা মনে পড়িলে এবং তাঁহার সকরুণ বচনাবলি পাঠ করিলে-পাষণ্ডহৃদয়ও দ্রবীভূত হয় এবং সহৃদয়হৃদয়ে গভীর শোকসাগর উথলিয়া উঠে । তিনি বলিতে লাগিলেন, যেহেতু রামভিন্ন অণু কাহার কথা আমি কখন মনেও করি নাই, অতএব হে দেবি পৃথিবি, তুমি আমার অবকাশ প্রদান কর । যেহেতু চিরকাল কারমনোবাক্যে রামেরই পূজা করিয়া আসিতেছি, অতএব হে দেবি পৃথিবি, তুমি আমার অবকাশ প্রদান কর । যেহেতু আমি সত্য বলিতেছি যে আমি রাম ভিন্ন আর কাহাকেও জানি না, অতএব হে দেবি, তুমি আমার স্থান দেও ।*

সভাশুদ্ধ লোক নিস্তব্ধ হইল । ঋষিগণ অশ্রুজল বিসর্জন

* যথাহং রাঘবাদন্যং মনসাপি তু চিন্তয়ে ।

তথা মে মাধবী দেবী বিবরং দাতু মর্হতি ।

মনসা কর্শ্বণা বাচা যথা রামং সমর্চয়ে ।

তথা মে মাধবী দেবী বিবরং দাতুমর্হতি ।

যথৈতৎ সত্যমুক্তং মে বেদ্যি রানাং পরং নচ ।

তথু মে মাধবী দেবী বিবরং দাতুমর্হতি ।

করিতে লাগিলেন । রামচন্দ্র মুচ্ছিতপ্রায় হইয়া পড়িলেন । ভূগর্ভ বিদীর্ণ হইয়া গেল । মহর্ষি প্রদীপ্তজ্যোতিঃ সিংহাসনে আরোহণ করিয়া ধরণীদেবী আবির্ভূত হইলেন এবং সীতাকে সনেহে আলিঙ্গন করিয়া পাতালমধ্যে অন্তর্হিত হইলেন ।

শেষোক্ত শ্রেষ্ঠ কামিনীগণের মধ্যে জনকভনয়া সীতা সর্বপ্রধান । সীতা সর্বগুণসম্পন্ন ছিলেন ; তাঁহার স্ত্রীর পতিপরায়ণা আর কেহ ছিল কি না সন্দেহ । তাঁহাকে ষাটশ প্রলোভনে পড়িতে হইয়াছিল কোনকালে কোন নারী তাটশ প্রলোভনে পড়িয়াছিল কি না সন্দেহ । অদৃষ্টের দোষে তাঁহাকে নানা কষ্ট পাইতে হইয়াছিল । তিনি রাজনন্দিনী ও সনাগরাধরনীপতির মহিষী হইয়াও এক প্রকার জন্মহুঃখিনী হইয়াছিলেন । প্রথমতঃ স্বামীর সহিত বনে গেলেন, তথার রাবণ তাঁহাকে হরণ করিল । তিনি অসহ বন্দনা ভোগ করিলেন । তাহার পর স্বামী তাঁহাকে পুনর্গ্রহণ করিতে অনিচ্ছা প্রকাশ করিলেন । সে দারে কোনরূপে উদ্ধার পাইলেন । আবার মিথ্যাবাদভীত হইয়া রামচন্দ্র তাঁহাকে পরিত্যাগ করিলেন । এবার তিনি বনে বনে একাকিনী ভ্রমণ করিতে লাগিলেন । তাঁহাকে আর যাবজ্জীবন কষ্ট পাইতে হইয়াছিল । কিন্তু শেষকালে তিনি মশরীরে ভগবতী পৃথিবীর সহিত বৈকুণ্ঠ গমন করিলেন ।

তুলনা ।

সীতা ও সাবিত্রী ছইজনই অদ্বিতীয় রমণী । পৃথিবীর কোন দেশের কোন কবিই স্বীয় কল্পনাশক্তিবলে উঁহাদের স্তায়

সর্বগুণসম্পন্ন রমণী সৃষ্টি করিয়া উঠিতে পারেন নাই। সীতার
 স্নেহপ্রবৃত্তি অলৌকিক, সুখদুঃখ বিপদ সম্পৎ সকল সময়েই
 স্বামীর প্রতি তাঁহার মনোভাব অবিচলিত। দেবর লঙ্কণের
 প্রতি তাঁহার স্নেহ সর্বদা সমান। দেবর তাঁহাকে বনমধ্যে একা-
 কিনী রাখিয়া আসিলেন, তথাপি তিনি উঁহাকে আশীর্বাদ করিতে
 লাগিলেন এবং গুরুজনকে প্রণাম করিতে লাগিলেন। সাবিত্রী
 স্বামীর বিরহে জীবন দিতে প্রস্তুত। তাঁহাদের উভয়েরই বুদ্ধি-
 বৃত্তি সমান প্রভাবশালিনী। সীতা রাবণের সহিত, সাবিত্রী
 যমরাজের সহিত কথোপকথনে ইহার বিলক্ষণ পরিচয় দিয়াছেন।
 কিন্তু সীতা অপেক্ষা সাবিত্রী কর্মক্ষমতার অনেক উৎকৃষ্ট।
 বাস্তবিক কোন স্থলেই সীতার কর্মক্ষমতার পরিচয় দেন নাই।
 তিনি উঁহাকে শ্রেণীনা ও একাণ্ড সুধীরস্বভাবা বণিয়া
 বর্ণনা করিয়াছেন। সাবিত্রীও ধীরস্বভাবা সন্দেহ নাই, কিন্তু
 সমর উপস্থিত হইলে তিনি কোন প্রমকেই শ্রম জ্ঞান করেন
 না, এবং এমন কষ্ট নাই যে তিনি সহ্য করিতে পারেন না।
 তাঁহাদের দুইজনেরই মনের তেজস্বিতা আছে। যমরাজও
 সাবিত্রীর তেজস্বিতা স্বীকার করিয়াছেন। সীতাও দ্বিতীয়বার
 পরীক্ষার সময় উঁহার পরিচয় দিয়াছেন। কর্মক্ষমতা বিষয়ে
 সাবিত্রী সীতা অপেক্ষা উন্নতস্বভাবা হইলেও তাঁহার স্নেহপ্রবৃত্তি
 সম্যক প্রকাশিত হয় নাই। সীতা ও সাবিত্রীকে সর্বাপেক্ষা
 উন্নতচরিত্রা বলিবার কারণ এই যে তাঁহাদের মানসিক বৃত্তি-
 সমূহের যুগপৎ সমুন্নতি দেখিতে পাওয়া যায়।



পঞ্চম অধ্যায় ।

আমরা এপর্যন্ত যে সকল উদাহরণ সংগ্রহ করিয়াছি সমুদয়ই
রামায়ণ প্রভৃতি আর্য গ্রন্থাবলী হইতে । কিন্তু কালিদাস প্রভৃতি
কবিগণপ্রণীত গ্রন্থাবলী হইতে কতকগুলি উদাহরণ সংগ্রহ না
করিলে, এ প্রবন্ধ সম্পূর্ণ হইয়াছে বলিয়া কখনই বোধ হইবে
না । কালিদাস, ভবভূতি প্রভৃতি মহাকবিগণ ঋষিদিগের
অনেক পরের লোক । তাঁহাদিগের সময়ে ভারতবর্ষের অবস্থা-
গত অনেক পরিবর্তন হইয়া গিয়াছে । বৌদ্ধধর্মের উৎপত্তি
হইয়াছে, প্রচার হইয়াছে ও বিনাশ হইয়াছে । বেদ ও স্মৃতি-
প্রতিপাদিত ধর্মের লোপ হইয়াছে, পৌরাণিকদিগের প্রভাব
যুষ্টি হইয়াছে, . আর্য্যগণ বিলাসী হইয়াছেন, কুসংস্কারাণর
হইয়াছেন এবং অনেকেংশে হীনবীর্য্য হইয়াছেন । ব্রাহ্মণেরা
আর ব্রাহ্মচর্যাদি চারি আশ্রম পালন করেন না, তাঁহারাও
বাণিজ্যাদি নানাবিধ সংসারিক কার্যে লিপ্ত হইয়াছেন । একপু

অবস্থার জীলোকেরও চরিত্রগত অনেক ভেদ দাঁড়াইয়াছে । তাঁহাদের অন্ত অস্তঃপুর সৃষ্টি হইয়াছে । মহাভারতীয় রমণীগণের ভার তাঁহাদের সে নির্ভীকতা নাই । স্বামীর আর তাঁহারা সখী নহেন, কেবল দাসীমাত্র । রাজারা পূর্বে নিমিত্তাধীনমাত্র বহুবিবাহ করিতে পারিতেন, এক্ষণে তাঁহারা ইচ্ছানত অসংখ্য বিবাহ করিতে পারেন । দশকুমারচরিত পাঠ করিলে খ্রীষ্টীয় অষ্টম বা নবম শতাব্দীতে আমাদের দেশের, বিশেষতঃ আমাদের দেশের জীগণের কিরূপ শোচনীয় অবস্থা ঘটিয়াছিল তাহা বিলক্ষণ প্রতীত হইবে ।

কবিগণ যে সকল উপাখ্যান অবলম্বন করিয়া কাব্য ও নাটক রচনা করিয়াছেন তাহা হই প্রকার ; হয়, তাঁহাদের স্বকপোলকল্পিত, না হয় মহাভারত বা রামায়ণ অথবা কোন প্রসিদ্ধ প্রাচীন গ্রন্থ হইতে সংগৃহীত । যে সকলগুলি তাঁহাদের স্বকপোলকল্পিত, তাহাতে তাঁহাদিগের সমসাময়িক সনাতনের অবস্থা বিষয়ক অনেক বর্ণনা পাওয়া যায় । এইরূপ নাটকের মধ্যে রত্নাবলী, মালবিকাগ্নিমিত্র, মৃচ্ছকটিক ও মালতীমাধব প্রধান । দশ-কুমার-চরিত এবং কাদম্বরীও কোন শাস্ত্রের উপাখ্যান নহে । যে গুলি তাঁহাদের নিজের নহে তাহাতেও তাঁহাদের আপন সময়ের ভাবই অধিক । বাম্বীকির সীতা ও ভবভূতির সীতা এক প্রকৃতির নহে । বেদব্যাসের শকুন্তলা ও কালিদাসের শকুন্তলায় অনেক অন্তর ।

মালবিকা অপেক্ষাকৃত আধুনিক কবিগণের অতিশয় প্রিয়-পাত্রী । তাঁহার চরিত্র অপবিত্র নহে । তিনি রাজনন্দিনী, একজন গৌণগতি, তাঁহাকে দম্বাহত হইতে উদ্ধার করিয়া

রাজপরিবারে প্রেরণ করেন । তিনি রাজার সংসারে থাকেন এবং নৃত্যগীত শিক্ষা করেন । তৎকালে লোক অত্যন্ত বিলাসপ্রিয় ছিল । সুতরাং বিলাসপ্রিয় রাজা বা রাজকর্মচারীকে প্রীত করিতে হইলে যে সকল শিক্ষা আবশ্যিক, তিনি তাহাতেই নিপুণা । পরে রাজার প্রণয়িনী হইলেন । কিন্তু তাহা তাঁহার অন্তরেই রহিল । রাজাও যে তাঁহার প্রতি আসক্ত তাহা তিনি জানেন না । কিছুদিন পরে গান্ধর্ববিধানে উভয়ের বিবাহ হইল । মালবিকা কবিগণের প্রিয়পাত্রী, কেন না তিনি সুন্দরী, নৃত্যগীতাদি কলাভিজ্ঞা । তিনি অভিলষিত লাভের জন্য কত কষ্ট পাইলেন, সমুদ্রগৃহে বন্দী রহিলেন, মহ্যুবাধীর বিরাগভাগিনী হইলেন, তথাপি তাঁহার প্রণয় বিচলিত হইল না । আধুনিক কবিগণ হৃদয়ের গভীর ভাব প্রকাশে তাদৃশ সমর্থ নহেন, তাঁহাবা মালবিকার স্ত্রীর চরিত্র বর্ণনে বিলক্ষণ পটু । মালবিকার চরিত্র, নারীগণের উৎকৃষ্ট চরিত্র বর্ণনাস্থলে উল্লিখিত হওয়া অসম্ভব, কিন্তু তিনি 'একটি শ্রেণীর আদর্শ; এই জন্যই তাঁহার চরিত্র এখানে উল্লেখ করিলাম । যেমন পুরাণকর্তাদিগের লোপামুদ্রা, ঋষিদিগের সীতা ও সাবিত্রী সেইরূপ কবিদিগের মালবিকা অত্যন্ত আদ্যবণীয়া । যেমন পুরাণদিগের লোপামুদ্রা, যুবতীদিগের সাবিত্রী এবং সর্বাবস্থা নারীদিগের সীতা আদর্শস্বরূপ, সেইরূপ মালবিকাও এক সময়ে এক অবস্থার নারীগণের আদর্শ, এই জন্যই তাঁহার চরিত্র এস্থলে বর্ণিত হইল ।

মালতী ভবভূতির কল্পনাশক্তির প্রথম অঙ্কুর । ভবভূতি তাঁহার চরিত্র অথবা তাঁহার প্রণয় বর্ণনার অলৌকিক কবিত্ব

শক্তি প্রদর্শন করিয়াছেন । কিন্তু তাঁহার চরিত্রে এমন কিছুই নাই যাহাতে তিনি সীতা, সাবিত্রী বা শকুন্তলার সহিত একত্রে স্থানপ্রাপ্ত হন । মালবিকার শ্রেণীর মধ্যে তিনিও একজন । মালতীমাধবের মধ্যে আর একটি অদ্ভুত স্বভাবের স্ত্রীলোক আছেন । ইহার নাম কামন্দকী—ইহার সংসারকার্য্যচাতুর্য্য, বুদ্ধিকৌশল, শাস্ত্রজ্ঞান, কর্তব্যকর্ম্মে দৃঢ়প্রতিজ্ঞতা, সূক্ষ্মবর্ণের প্রতি অনুরাগ, মালতী ও মাধবের প্রতি অলৌকিক স্নেহ ছিল । ইহার সাহস পুরুষের স্ত্রীর, মনের 'বল পুরুষের স্ত্রীর । ইনি দুইজন মন্ত্রীর সহায়্যারিনী, বিদ্যা বুদ্ধি প্রভৃতিতে তাঁহাদের সমতুল্যা । দুইজনেই তাঁহাকে সম্মান করেন এবং অনেক সময়ে তাঁহার পরামর্শ জিজ্ঞাসা করেন । অথচ তিনি সংসারে বিরাগিনী, বুদ্ধমঠ আশ্রয় করিয়াছেন । মালবিকায়িত্রের পণ্ডিত কোষিকী এবং মালতীমাধবের কামন্দকী, কালিদাস ও ভবভূতির কবিত্বশক্তির বিলক্ষণ পরিচয় প্রদান করিতেছে । পণ্ডিত কোষিকীও সংসার ত্যাগ কবিত্ব কাব্যের ধারণ করিয়াছেন । তিনিও একজন, অমাত্যের ভগিনী—তাঁহার মানসিক বল পুরুষের স্ত্রীর, বিদ্যাবুদ্ধি পুরুষের স্ত্রীর । রাজা ও ধারিণী সর্বদা তাঁহার পরামর্শ জিজ্ঞাসা করিয়া থাকেন । তিনি গণদাস ও হরদত্তের বিবাহে মধ্যস্থ । তিনি যতদিন আপনাদিগের দুর্ব্বস্থা ছিল, কাহাকেও আপন পরিচয় দেন নাই । তাহার পর যখন শুনিলেন, তাঁহার ভ্রাতার শক্রগণ পরাভূত হইয়াছে এবং তাঁহারই রাজকন্যু) রাজ্যের প্রণয়ভাগিনী হইয়াছেন তখন আপন পরিচয় প্রদান করিলেন । পণ্ডিত কোষিকী হিন্দু ও কামন্দকী বৌদ্ধ, পণ্ডিত কোষিকীচরিত্র বিগুহ, কামন্দকী তাহা হইতেও

আবার কর্মকুশল । তিনি আপন কার্যে অণুমাত্র অনাড়া করেন না, এবং প্রাণপণে কার্যসিদ্ধির জন্য বদ্ধবর্তী । কোষিকী কেবল দেবতাদিগের নিকট প্রার্থনা করিয়াই কাস্ত থাকেন । কামন্দকী সাহসসঙ্কারে কালকাপালিক অধোরঘণ্টের সহিত বিবাদ করিয়া তাহার ছুরতিসন্ধি নিষ্ফল করিলেন । কোষিকী দস্যুহস্ত হইতে পলায়ন করিয়া রাজবাটী আশ্রয় করিলেন, সমভিব্যাহারিণী রাজকুমারীর কোনরূপ উদ্ধারের চেষ্টা করিলেন না । কিন্তু ইগারা দুইজনেই এক শ্রেণীর স্ত্রীলোকদিগের উৎকৃষ্ট উদাহরণ—সে শ্রেণীর স্ত্রীলোক এখন নাই, বৌদ্ধের মঠে তাঁহাদিগের উৎপত্তি হয় । হিন্দুর মঠে দুই একটি স্ত্রীলোক সংসারবিদ্যাগিনী রমণী দেখা যাইত, কিন্তু এক্ষণে মঠও বিরল, পণ্ডিত কোষিকীও বিরল ।

শৈব্যা হরিশ্চন্দ্রের মণিষী—শৈব্যা যথার্থ পতিপ্রাণা ও রমণীকুলের বিভূষণস্বরূপ । যখন বিশ্বামিত্রের সহিত বিবাদে রাজার দরদর গেল, তিনি দক্ষিণার জন্য আশ্রমেই বিক্রম করিতে প্রস্তুত, তখনও শৈব্যা তাঁহার সহায় । রাজা তাঁহাকে প্রতিনিবৃত্ত হইতে কহিতেছেন । শৈব্যা উত্তর করিতেছেন, “আর্যপুত্র স্বার্থপর হইও না । আমাকে এই কার্যে নিযুক্ত কর । তোমার প্রণয় কেন বিরূপ হইতেছে ?” এই বলিয়া স্বামীর মুখ প্রতীক্ষা করিলেন । হরিশ্চন্দ্রের অশ্রুজল নির্গত হইল । শৈব্যা তখন বলিয়া উঠিলেন, “আর্যপুত্র ! আমার ক্রম করুন । পরপুরুষ উপাসনা এবং পরের উচ্ছিষ্ট ভোজন তির আসি সর্ব কর্মকারিণী” । যখন একজন ব্রাহ্মণ তাঁহাকে ক্রম করিল তখন শৈব্যা হর্ষোৎফুল্ললোচনে বলিলেন, “কি সৌভাগ্য ! আমি আর্যপুত্রকে অর্ধেকপ্রতিজ্ঞা-

ভার হইতে উদ্ধার করিলাম”। আৰ্য্যপুত্রের ঋণের অর্ধেক প্রদান করিতে সমর্থ হইলেন বলিয়া তাঁহার চর্চ হইল। চিরকালের জন্য যে দাসী হইলেন সেটি তাঁহার মনেও হইল না। কিন্তু ইহাতেও বিধাতার তৃপ্তি হইল না। শৈব্যার একমাত্র সন্তানও কিছুদিন পরে সর্পাঘাতে প্রাণত্যাগ করিল। শৈব্যা উদ্বন্ধনে দেহত্যাগের উদ্যোগ করিতেছেন এবং উচ্চৈশ্বরে ক্রন্দন করিতেছেন, সে স্বর প্রস্তরও বিদীর্ণ করিতে পারে। বিধাতা সদয় হইয়া তাঁহাকে স্বামীসহ সহিত মিলাইয়া দিলেন।

পার্বতী—ইনিই পূর্বজন্মে স্বামীর নিন্দা শ্রবণে দেহ-ত্যাগ করিয়াছিলেন এবং এক্ষণেও সেই মহাদেবের প্রতি অনুরাগবতী হইয়াছেন। মহাদেব মনুষ্য নহেন, দেবতা, তাঁহাকে সন্তুষ্ট করিতে হইলে তপস্বী আবশ্যিক ও পূজা আবশ্যিক। পার্বতী প্রথমতঃ পূজা আরম্ভ করিলেন। নিতাই মহাদেবকে স্বহস্তগ্রথিত পুষ্পমালা প্রদান করেন এবং নানা প্রকারে তাঁহার পরিচর্যা করেন। পার্বতী বিদ্যাবতী পিতার প্রিয়পাত্রী এবং রাজার কন্যা, বয়সও অল্প, কিন্তু তখন হইতেই তাঁহার প্রণয় প্রগাঢ়। তাঁহার প্রণয় তারামৈত্রিক, বা চক্ষুরাগ নহে, উহার আবাসভূমি হৃদয়ে। একজন প্রধান সমালোচক বলিয়াছেন কালিদাসাদি কবিগণ প্রণয় বর্ণনা করিতে পারেন বটে, কিন্তু সে প্রণয় বাস্তবিকের স্তায় নহে; কালিদাসের প্রণয়ে ঐহিকতাই অধিক। কিন্তু যে কবি পার্বতীর প্রণয় বর্ণন করিয়াছেন তিনি যে বিস্তৃত প্রণয় বর্ণনা করিতে পারেন না একরূপ ধীলা অসম্মত। পার্বতী মহাদেবে প্রণয়বতী; মহাদেব

যোগী, তিনি অপর উপাসকের বেরূপ পরিচর্যা গ্রহণ করেন, পার্বতীর পূজাও সেইরূপ গ্রহণ করেন। তাঁহার মন টলিবার নহে। তাঁহার চিত্তচাক্ষুণ্যবিধানের জন্য স্বয়ং কাম আসিরা উপস্থিত হইলেন। তাঁহার মনও চঞ্চল হইল; কিন্তু সে ক্ষণকালের জন্য। তিনি তখনই সে ভাব সংবরণ করিয়া কোপকটাক্ষে মনকে ভঙ্গনাৎ করিয়া ফেলিলেন, এবং স্ত্রীমরিকর্ষ পরিহারের জন্য সেখান হঠতে প্রস্থান করিলেন। পার্বতী ভগ্নমনোরথ হইয়া আপন পিতার নিকট তপস্তু করিবার অনুমতি প্রার্থনা করিলেন, এবং ঘোরতর তপস্তু করিতে আরম্ভ করিলেন। অতি কঠিনশরীর স্ববিগণ আজন্ম পরিশ্রম করিয়াও যে সকল নিয়ম পালন করিতে অক্ষম, পার্বতী সেই সকল নিয়ম পালন করিতে লাগিলেন। একদিন মহাদেব স্বয়ং ছদ্মবেশে তথায় উপস্থিত হইলেন, এবং প্রসঙ্গক্রমে মহাদেবের বিস্তর নিন্দা করিলেন। তিনি একবার পতিনিন্দা শুনিয়া দেহত্যাগ করিয়াছেন তাঁহার পক্ষে এরূপ নিন্দা অসম্ভব। তিনি সেখান হইতে উঠিয়া যাইতেছেন, এমন সময়ে মহাদেব নিজদেহ ধারণ করিয়া তাঁহার সম্মুখে। তখন কোপ, প্রণয়, বিশ্বয় প্রভৃতি নানা বৃত্তি যুগপৎ সমুদগত হইয়া তাঁহার বেরূপ চিত্তবিকার জন্মাইয়া দিল, তাহা কলিদাস ভিন্ন আর কেহই বর্ণনা করিয়া উঠিতে পারেন কি না সন্দেহ। তিনি পিতার নিকট আপন প্রণয় চাকিতে চেষ্টা করেন নাই। তিনি সামাজিক অবস্থা জানেন; কিন্তু জানিয়াও ভাবিলেন বিগত প্রণয় প্রকাশে দোষ কি? তিনি বিদ্যাবতী গৃহকর্মচতুরা, দেবারাধনার তাঁহার নিত্য আয়োদ। তিনি আতিথেরী। তাঁহার প্রণয় বিচলিত হইবার

নহে, মন টলিবার নহে । যেনকা কত বুঝাইলেন, বলিলেন তোমার পিতা দেবতাদের দেশের অধিপতি, যদি দেবতা তোমার কামনা হয়, বল । পার্বতী মৌনভাবেই তাহার উত্তর দিলেন । ব্রহ্মচারী জিজ্ঞাসা করিলেন, মহাদেবেই কি তোমার প্রণয় ? পার্বতী একটি নিশ্বাস ফেলিয়া তাহার জবাব দিলেন । পিতার নিকট যখন বিবাহের কথা উঠিল তখন লীলাকমলপত্রের গণনার তৎপর হইলেন । তিনি কুলোকের সংসর্গ ভাল বাসেন না, গুরুজনের নিন্দা তাঁহার বিষ । সকল ভূতেই তাঁহার সমান দয়া । যে সকল গুণে রমণীর চরিত্র উৎকৃষ্ট হয় সে সকলই তাঁহাতে আছে । রমণীকুলের তিনিই পক্ষহেতুভূতা । তিনি যে স্থানে তপস্যা করিয়াছেন, তাহা এখনও তীর্থ । তাঁহার নিকট সিতশশ্রু ঋষিগণও ধর্ম্য শ্রবণ করিতেন । তাঁহার চরিত্র তপস্বীদিগের উদাহরণস্থল । তাঁহার চরিত্র প্রাণিধানপূর্বক পাঠ করিলে বিশ্বমিশ্রিত অদ্ভুত রসের আবির্ভাব হয় । কুমার-সম্ভব গ্রন্থ হইতে আমরা তাঁহার বিবাহ পর্য্যন্ত জানি । ইহার মধ্যে ঐহিকতার বেশ মাত্রও নাই । তাঁহার স্তায় ধর্ম্য ভক্তি, দেবতার ভক্তি, মনু প্রভৃতি মুনিগণের বচনে আস্থা, বিশেষতঃ তাঁহার মরলতা, পিতৃভক্তি, স্বামিভক্তি, সখীগণের প্রতি ব্যবহার, এবং আশ্রমের উন্নতি চেষ্টা লৌকিক নারীগণের মধ্যে অতি বিরল । নারীচরিত্র বিষয়ে কবিরা যে কতদূর উন্নতি করনা করিয়াছিলেন পার্বতীচরিত্রে তাহার পরাকাষ্ঠা প্রদর্শিত হইয়াছে বলিলে অত্যাক্তি হয় না ।

বঙ্গদর্শনকার স্পষ্টরূপে প্রতিপন্ন করিয়াছেন বান্দীকির রামায়ণ হইতে আখ্যায়িকা গইরা যে সকল কাব্য ও নাটক

রচনা করা হইরাছে, তাহাতে রাম ও সীতার চরিত্র উত্তমরূপে বর্ণিত হয় নাই। ক্রমেই মন্দ হইয়া আসিয়াছে, কিন্তু কালিদাসের রাম ও সীতা বাণীকির রাম ও সীতা হইতে উৎকৃষ্ট না হউক তাহাদের অপেক্ষা কোন অংশেই নূন নহে। বাণীকির স্তায় কালিদাসও সীতার শৈশবের কোন কথাই লিখেন নাই। কালিদাস স্পষ্ট জানিতেন যে, বাণীকির সঙ্গে রঙ্গভূমিতে অবতীর্ণ হইলে তাঁহাকে পরাস্ত হইতে হইবে। এই জন্তই তিনি অমোধ্যাকাণ্ড, অরণ্যাকাণ্ড, কিঙ্কিকাণ্ড, স্কন্দাকাণ্ড ও লঙ্কাাকাণ্ড এক সর্গের মধ্যে সংক্ষেপে সারিয়া দিয়াছেন। ঐ সর্গও নীরস, কিন্তু তাহার বিদ্যাবৃত্তগতিবর্ণনায় একটা আশ্চর্য শোভা হইরাছে। তিনি চতুর্দশে সীতাচরিত্র বর্ণনায় প্রবৃত্ত হইরাছেন। বিদ্যাসাগর মহাশয় এই সর্গ হইতে তাঁহার সীতার বনবাসের অনেক ভাব সংগ্রহ করিয়াছেন। যখন লক্ষ্মণ বনমধ্যে রাজার ভয়ঙ্কর আদেশ সীতাকে অবগত হইলেন, তখন সীতা মূর্ছিত হইয়া পড়িলেন। কিয়ৎক্ষণ পরে সংজ্ঞালাভ করিয়া পুনঃ পুনঃ স্থিরহঃখভাষী আপন অন্টেকে নিন্দা করিতে লাগিলেন। লক্ষ্মণ বিদায় হইবার অন্ত প্রণাম করিলে তাঁহাকে আশীর্বাদ করিয়া কহিলেন, “বৎস! তুমি সেই রাজাকে বলিও, যদি অস্তঃসত্বা না হইতাম, তোমার সমক্ষে এই মুহূর্ত্তেই জাহ্নবীতলে প্রবেশ করিয়া প্রাণত্যাগ করিতাম। তুমি তাঁহাকে বলিও* আমি প্রসবের পর সূর্যোর

* সাহসতপঃ পূর্ধানিবিষ্টদৃষ্টি রুর্ধ্বঃ প্রসূতে ক্ষরিতুং যতিব্যো ।

ভূয়ো যথা মে জননাস্তরেণি যবেব তর্জা নচ বিশয়োঙ্গঃ ।”

দিকে নগ্নন নির্বিষ্টে করিয়া তপস্যা করিব, যেন অন্ত জন্মেও রামই আমার পতি হন, কিন্তু যেন এরূপ বিচ্ছেদ কখন না হয় ।”

তিনি আবার বলিলেন, “তাঁহাকে বিশেষ করিয়া বলিবে, যদিও ভার্য্যাভাবে আমার পরিত্যাগ করিয়াছেন, কিন্তু আমি যেন সামান্ত শ্রদ্ধা বলিয়া, গণ্য হই। তিনি সমাগরা পৃথিবীর ঈশ্বর। যেখানেই যাউ, তাঁহার অধিকারের বহির্ভূত নহি।” মহর্ষি বাল্মীকি যখন তাঁহাকে আপন আশ্রমে লইয়া বাধিলেন, তখন তিনি নিরন্তর অতিথিসেবা* ও স্নানাদি ধর্ম্মকার্য্য করিয়া সময়াতিপাত করিতে লাগিলেন। তাঁহার এত যে নিদারুণ কষ্ট চইয়াছিল, কিন্তু যখন শুনিলেন আক্লিও রাম তাঁহা ভিন্ন আর কাহাকেও জানেন না এবং তিনি হিরণ্যরী সীতা প্রতিকৃতি লইয়া যজ্ঞকার্য্যে প্রবৃত্ত চইরাছেন, তখন তাঁহার সেই নিদারুণ কষ্টের কতক শমতা হইল।

একদিন রামচন্দ্র যজ্ঞসমাপনান্তে পৌরবর্গকে সমবেত করিয়া সীতার পরীক্ষার কথা উত্থাপন করিলেন। সীতাও আচমন করিয়া কহিলেন, * “যেহেতু আমি কার্যমনোবাক্য স্বামীর অমঙ্গল চিন্তা কখনই করি নাই, অতএব হে দেবি বিশ্বস্তরে, আমার অন্তর্দ্বান করিয়া লও ।”

ভগবতী বিশ্বস্তরা সীতার কথা শুনিলেন এবং তাঁহাকে লইয়া ভূগর্ভে অন্তর্হিতা হইলেন। প্রধান কবিরা পুঙ্খানুপুঙ্খরূপে বর্ণনার প্রবৃত্ত করেন না। কালিদাস সীতাচরিত্রের দুই একটি অতি বিগুহ, নিশ্চল ও ভাবপূর্ণ অংশের পরিচয় দিয়াই কান্ত হইরাছেন।

* বাচনঃকর্ম্মতিঃ পত্যৌ বাস্তিচারো যথা ন মে ।

৫ তথা বিশ্বস্তরে দেবি মানসর্দাতুমর্হসি ।

সংস্কৃতে কাব্য ও নাটকের সংখ্যা অনেক । সেই সমুদায় হইতে ক্রীচরিত্র সংগ্রহ করিতে হইলে গ্রন্থবিস্তার চটয়া পড়ে, সুতরাং অগত্যা নাগানন্দ, রত্নাবলী, বাসবদত্তা, অসন্নরাধব প্রভৃতি গ্রন্থের নামোল্লেখমাত্র করিয়া সংস্কৃত কবিকুলচূড়ামণি কালিদাস ও ভবভূতির সর্ব্বমুখ্য অভিজ্ঞানশকুন্তল ও উত্তররামচরিত হইতে শকুন্তলা ও সীতাচরিত্র সংগ্রহ করিয়া ফাঙ্ক হইব । এই দুইটী রমণীর চরিত্র বর্ণনে কবিরা আপন আপন কল্পনাশক্তির পরাকাষ্ঠা প্রদর্শন করিয়াছেন । এই দুইটী রমণীর অবস্থাগত অনেক প্রভেদ । সীতার বিরহ, শকুন্তলার পূর্বরাগ, সীতা যুবতী, শকুন্তলা বালিকা । সীতা রাজনন্দিনী, শকুন্তলা ভ্রমণো- বনপ্রতিপালিতা, কিন্তু উভয়েই প্রত্যাখ্যান প্রাপ্ত হইয়াছেন, উভয়েই নানাবিধ মনঃপীড়া প্রাপ্ত হইয়াছেন, উভয়েই চরিত্র ক্রীচরিত্রের উৎকৃষ্ট উদাহরণস্থল । দেবতা ও ঋষিরা উভয়কেই হৃৎখের সময়ে সাক্ষাৎ করিয়াছেন এবং স্বামীসহিত মিলন কুরিবার জন্য বিধিনতে চেষ্টা পাইয়াছেন । উভয়েই অনেক কাল বনে বাস করিয়াছেন । বনতরু বনলতা, বনমধু, বনমৃগ, উভয়েই প্রিয়পাত্র ; উভয়েই হৃদয় সরল ও প্রগাঢ় প্রণয়- বিশিষ্ট ; বনবাসসখীদিগের সহিত উভয়েরই সমান সখাভাব । সীতা রাবণকর্তৃক পীড়িতা চটয়া এক্ষণে রাজধানীতে প্রত্যাগতা হইয়াছেন, রাজরাণী চটয়াছেন, কিন্তু তাঁহার মুগ্ধ- স্বভাব পূর্ব্ববৎই আছে । চিত্রদর্শন প্রস্তাবে তাঁহার সকলভাবই ব্যক্ত হইয়াছে । তিনি বিবাহ সময়ে হৃৎখের চিত্র দেখিয়া হর্ষিত হইলেন । শূর্ণগধাকে দেখিয়া তাঁহার হৃদয় কম্পিত হইল, আর্ষ্যপুত্রের হৃৎখ দেখিয়া তাঁহার অশ্রুপাত হইল, পুতপোষন

দেখিয়া পুনর্বার তথায় ভ্রমণ করিতে ইচ্ছা হইল। 'তিনি রামকে বলিলেন, "তোমাকেও আমার সহিত যাইতে হইবে।" রাম কহিলেন, "অরি মুখে! একথাও কি বলিতে হয়।" তিনি রামবাহু আশ্রয় করিয়া শয়ন করিলেন, কিন্তু তাঁহার কোমল-অন্তঃকরণে চিত্রদর্শন জনিত নানা উদ্বেগ এখনও প্রশমিত হয় নাই। তিনি স্বপ্নে বলিয়া উঠিলেন, "আর্য্যপুত্র এষ্ট তোমার সহিত শেষসাক্ষাৎ।" রামচন্দ্র সেখান হইতে চলিয়া গেলে নিদ্রা-ভঙ্গানন্তর উঠিয়া বলিলেন, "গাছা হউক, রাগ করিব" তাহার পরই বলিলেন, "যদি তখন মনের সে বল থাকে।" লক্ষণ রথ আনয়ন করিলে আর্য্যপুত্রের ভূয়সী প্রশংসা করিতে করিতে তাহাতে আরোহণ করিলেন। যখন লক্ষণ প্রস্তরবৃষ্টির ত্রায় রাজসন্দেশ অবগত করাইলেন, তখন সীতা অসহ্য শোকাবেগ সহ্য করিতে না পারিয়া গঙ্গাজল ঝাঁপ দিলেন। তাঁহার পুত্রবয়সকে পৃথী ও ভাগীরথী বাল্মীকির আশ্রমে রাখিয়া আসিলেন এবং তিনি ভাগীরথীর সন্নিহিত পাতাল পুথীতে বাস করিতে লাগিলেন।

এক দিন ভাগীরথী ছল করিয়া তমসার সহিত সীতাকে পঞ্চবটীর বনে পাঠাইয়া দিলেন। যেখানে আর্য্যপুত্রের সহিত নানা সুখভোগ করিয়াছিলেন, যেখানে "সরসী আরসী" তে আর্য্যপুত্রের সন্নিহিত আপন মুখাবলোকন করিতেন, আবার সেই স্থানে। রামচন্দ্রও কার্য্যোপলক্ষে পুনরায় পঞ্চবটী আসিয়াছেন, সঙ্গে কেহই নাই। রামের গস্তীর স্বর কর্ণকুহরে প্রবিষ্ট হইবামাত্র সীতা চকিত ও উৎকণ্ঠিত হইলেন। তাহার পর যখন জানিলেন সত্যই তাঁহার আর্য্যপুত্র পঞ্চবটী আসিয়াছেন, তখন সক্ষা কার্য্য পরিত্যাগ করিয়া তাঁহার অবস্থা দেখিতে

লাগিলেন, এবং একতান মনে তাঁহারই কথা শুনিতে লাগিলেন । যখন শুনিলেন, রামচন্দ্র তাঁহারই জন্ত শোক করিতেছেন, তখন বলিলেন, “এ কথা একরূপ ঘটনার অসদৃশ ।” তাঁহার পর বলিলেন, “আর্য্যপুত্র তুমি আজিও সেইই আছ ।” রামচন্দ্র মুচ্ছিত হইয়া পড়িলে সীতা, পাছে তিনি স্পর্শ করিলে রামচন্দ্র কুপিত হন এই ভয়েই অস্তির হইলেন । পরে সাহসে তর করিয়া কহিলেন, “বা, হবার হটক, আমি উঁহাকে স্পর্শ করিব ।” যখন রামচন্দ্রকে বাগমন্তী তিরস্কার করিতে লাগিলেন, তখন তিনি কহিলেন “সখি তুমি ভালর জন্ত বলিতেছ বটে, কিন্তু দেখিতেছ না কি উহাতে বিষময় বল ফলিতেছে । সখি—তুমি বিরত হও ।” তাঁহার পালিত করিশাবক বিপত্ন্যস্ত হইয়াছে শুনিয়া সীতার মন চঞ্চল হইল, উঁহাকে স্নেহপুষ্টাঙ্গ দেবীয়া শুদ্ধ তাঁহার হর্ষ হইল এমন নহে, তাঁহার কুশ ও লবকে মনে পড়িয়া গেল । রামচন্দ্র বিদায় হইলে যতক্ষণ তাঁহার রথধ্বজ দেখা যাইতে লাগিল, ততক্ষণ কাহার সাধ্য সে দিক্ হইতে তাঁহার স্থিরদৃষ্টি অন্তর নিষ্কপ করে । তাঁহার পর “অপূর্ব পুণ্য হইতু আর্য্যপুত্রের দর্শনলাভ হইরাছে, তাঁহার শ্রীচরণে নমো নমঃ” বলিয়া কষ্টে স্মৃষ্টে বিনিবৃত্ত হইলেন ।

দ্বিতীয় বার পরীক্ষার সময় যখন সীতা সস্তার মধ্যে প্রবেশ করিলেন, তখন তাঁহার নয়ন স্বর্গীর চরণে অর্পিত । হৃদয়ে নানা উদ্বেগ । তাঁহার আকৃতিতে স্পষ্টই অনুভব হইতে লাগিল তিনি বিত্তকচরিত্রা । রামচন্দ্র পৌরজানপদবর্ণের মত লইয়া পুনরায় তাঁহাকে গ্রহণ করিলেন ।

সীতার চরিত্র । “সীতা নিত্যক সুশীলা ও একান্ত সরল-

হৃদয়া ছিলেন। তাঁহার তুল্য পতিপরায়ণা রমণী কাহারও দৃষ্টিবিষয়ে বা ক্রটিগোচরে পতিত হয় নাই। তিনি স্বীয় বিত্তক্ৰ চরিত্রে পতিপরায়ণতা গুণের একরূপ পরাকাষ্ঠা প্রদর্শন করিয়া গিয়াছেন, যে বোধ হয় বিধাতা মানবজাতিকে পতিব্রতা ধর্মের উপদেশ দিবার জন্যই সীতার সৃষ্টি করিয়াছেন। তাঁহার তুল্য সর্বগুণসম্পন্ন কাহিনী কোনকালে ভূমণ্ডলে জন্মগ্রহণ করিয়াছেন, অথবা তাঁহার জ্যৈষ্ঠ সর্বগুণসম্পন্ন পতি লাভ করিয়া তাঁহার মত দুঃখভাগিনী হইয়াছেন একরূপ বোধ হয় না।”

শকুন্তলাও সীতার জ্যৈষ্ঠ মুগ্ধস্বভাবা। মুনি তাঁহাকে বন-মধ্যে কুড়াইয়া পান এবং সন্তানের জ্যৈষ্ঠ তাঁহার প্রতিপালন করেন। তিনি অল্প বয়সেই গৃহকার্যে সুশিক্ষিতা হইয়াছেন, এবং লিখিতে পড়িতে শিখিয়াছেন, তপোবন তরুদিগের পরিপালন করিতে তিনি বড় ভাল বাসেন। তাঁহার পিতা সোমতীর্থ গমন কালে বৃদ্ধা গৌতমীকে অতিক্রম করিয়া তাঁহারই হস্তে অতিথিসেবার ভার দিয়া গিয়াছিলেন। তপোবনবাসী আবাগনুন্ধ বনিতা তাঁহারই ভাল বাসে। তাঁহার সখীদিগের তিনিই সর্বস্ব। তাহারা তাঁহার সেবা করিতেছে, তাঁহার সহিত ক্রীড়া করিতেছে, তাঁহার জন্ত পুষ্পচয়ন করিতেছে, পুষ্পবৃক্ষের আলবাল পূরণ করিতেছে, এবং তাঁহার ভাবিবিরহের আশঙ্কায় কাঁদিতেছে। তাঁহার অদৃষ্টের জন্ত তাঁহার অগুমাত্র চিন্তা নাই। তিনি একমনে রাজাকেই ভাবিতেছেন। কিন্তু তাঁহার সখীদিগের ভাবনা তাঁহারই জন্ত। তাহারা হৃদ্বাসার শাপ-মোচন করিল, তাঁহার আশঙ্কিত প্রত্যাখ্যান নিরাকরণের উপায় করিয়া দিল, এবং কহিল যে দুঃখ প্রকাশ করিল তাহা বলা যায় না। শকুন্তলাও

বাটবার সময় পিতার নিকট প্রার্থনা করিলেন, “সখীরাও আমার সমভিব্যাহারে চনুক ।” তিনি তাহাদিগকে আপনায় ভাবিতেন, আপন মনের ভাব তাহাদিগকে বলিতেন, এবং তাহাদিগকেই বিশ্বাস করিতেন । সরলহৃদয়া গৌতমীও তাঁহাকে বড় ভাল বাসিতেন । তিনি পিতৃস্বায়ত্ত্বপরা ছিলেন বলিয়া পিতাও তাঁহার জন্ত কাঁড়র । রাজ্যের প্রথম দর্শনদিনাবধি শকুন্তলা তাঁহার জন্ত বাকুশা । তিনি উপোদনবাসিনী, প্রণয় উপোদনবিরোধী ভাব এবং তাঁহার পক্ষে অনুচিত, ঠিকও তিনি জানেন । তিনি নানা প্রকারে ভাব গোপন করিতে চেষ্টা পাইলেন, কিন্তু তিনি সে বিনা নিঃশব্দ নাট । যতই গোপন করিতে চেষ্টা পাইলেন, ততই আশু প্রকাশ হইতে লাগিল । ক্রমে অপার চিন্তা তাঁহাকে আক্রমণ করিল, তিনি বিস্ময়াভীর্ণ হইলেন । তাঁহার প্রিয় সখীরা তাঁহার কথা রাজাকে জানাইতে উদ্যোগ করিল । রাজা তাঁহাকে গান্ধর্ব বিধানে বিবাহ করিলেন, এবং অতি সম্বরই রাজধানী প্রতিগমন করিলেন । তাঁহার শকুন্তলার প্রতি বাস্তবিক প্রণয় কল্পিয়াছিল । কিন্তু অলৌকিক দৈবদুর্ভাগ্যকে শকুন্তলা তাঁহান হৃদয় হইতে বহিষ্কৃত হইলেন । শকুন্তলার কথা তাঁহান আর মনে রাখিল না ; বর্ণ-মুনি শকুন্তলার গান্ধর্ব বিবাহে অত্যন্ত স্ত্রী হইলেন, এবং সম্বর তাঁহাকে চতুর্জন শিষ্য ও সরলস্বভাব গৌতমীর সহিত রাজবাটী প্রেরণ করিলেন । শকুন্তলা আসিবার কালে আপন চরিত্র-শিশুটিকেও বিশ্বাস হইলেন না । সকলের নিকট বিদায় লইয়া অন্ততঃক্ষেণে আশ্রম হইতে বহির্গত হইলেন ।

বেদব্যাস সাধ্বী নারীদিগের যেকোন সাহস বর্ণনা করিয়াছেন,

কালিদাস সেরূপ পারেন নাই। তাঁহার সময়ে সেরূপ সাহস লোকে ভাল বাসিত না। শকুন্তলা মহাভারতে রাজার সহিত যে সকল কথা কহিয়াছিলেন, কালিদাস ঠিক সেই সকল কহাইবার জন্য তাঁহার সহিত দুইজন লোক পাঠাইতে বাধ্য হইয়াছেন।

রাজা দুর্কাসার শাপে সমস্ত বিশ্বত হইয়াছেন। শকুন্তলা আসিয়াছেন শুনিয়া তাঁহার মন উদ্বিগ্ন হইল। কিন্তু তিনি চিনিয়া উঠিতে পারিলেন না এবং শকুন্তলার উপর অত্যন্ত নিষ্ঠুর ব্যবহার করিলেন। শকুন্তলা যে সকল অভিজ্ঞানের কথা কহিলেন, তাঁহার জ্ঞান সরলস্বভাবার উপযুক্ত বটে। কিন্তু তাঁহাতে কি হইবে। তিনি রাজাকে হরিণশিশু স্মরণ করাইয়া দিলেন। তাঁহাদের মিথঃসংলাপ মনে কবাইয়া দিলেন। কিছুতেই রাজার স্মরণ হইল না। তাঁহার পর শাপের বতিরকার করিয়া উঠিলে শকুন্তলা ভীতা হইলেন। তাঁহার সর্বদা কাপিতে লাগিল; গোভদ্রী তাঁহার দুঃখে কাতরা হইলেন। সকলে মিলিয়া এই পরামর্শ হইল, তিনি পুরোহিতের গৃহে প্রসবকাল পর্যন্ত বাস করিলেন। তিনি পুরোহিত গৃহ গমনকালে কেবল আপন ভাগ্যকেই নিন্দা করিতে লাগিলেন। এমন সময়ে জ্যোতির্ষ্মরী স্ত্রীমূর্ত্তি তাঁহাকে লইয়া তিরোহিত হইল। তিনি তাঁহার পর বহুকাল হিন্দোলয়টলে বশুপ ঋষির আশ্রমে অবস্থান করিলেন। তথায় প্রোষিতভর্তৃকাবেশে ধর্ম কর্ম করিয়া পতিব্রতাধর্ম প্রবণ করিয়া এবং নিজ শিশুর লালনপালন করিয়া সময়াতিপাত করিতে লাগিলেন। দৈবানু-গ্রহে যখন রাজা তথায় উপস্থিত হইলেন, তখন রাজার শকুন্তলা-বৃত্তান্ত স্মরণ হইয়াছে—শাপ মোচন হইয়াছে। তিনি তাঁহাকে

দখিরাই চিনিলেন, এবং ক্ষমা প্রার্থনা করিলেন । তখনও শকুন্তলা বলিলেন, “সে সময় আমার অদৃষ্ট আমার বিরোধী ছিল, নহিলে আৰ্য্যপুত্র এত সদর হইয়াও এত বিকল হইয়াছিলেন কেন ? যাহা হউক, আমার অদৃষ্ট পরিণামে সুখদ হইবে ।” রাজা যখন পুনরায় তাঁহার হস্তে অঙ্গুরীয়ক সংযোগ করিতে গেলেন, তখন ভীকৃষ্ণা বা শকুন্তলা কহিলেন, “আমি তাঁহাকে বিশ্বাস করি না” এবং যখন শুনিলেন, শাপশ্রযুক্তই রাজা তাঁহাকে পরিত্যাগ করিয়াছিলেন, তখন তাঁহার হর্ষের সীমা রহিল না, তাঁহার আনন্দ উচ্ছলিত হইয়া উঠিল । তিনি বলিলেন, “তবে আৰ্য্যপুত্র অকারণে ত্যাগ করেন নাই ।” আৰ্য্যপুত্রের নির্দোষিতা সপ্রমাণ হওয়ার তাঁহার আনন্দ হইল । তাঁহার পর ঋষিদিগকে নমস্কার করিয়া আৰ্য্যপুত্র সমভিব্যাহারে রাজধানী প্রত্যগমন করিলেন ।

কালিদাসের শকুন্তলা ও পার্শ্বতী, ভবভূতির সীতা, বেদব্যাসের সাবিত্রী প্রভৃতি রমণীগণের চরিত্র পাঠ করিলেই প্রাচীনকালের চরিত্রবিষয়ে ভারতবর্ষীয় গ্রন্থকারেরা কতদূর উন্নতিকল্পনা করিতে পারিয়াছিলেন তাহা সম্পূর্ণরূপে অবগত হওয়া যাইবে । এই সকল রমণীই নারীকুলের বঙ্গ । ইহারা সকলেই চিরদিন ভারতবর্ষীয়দিগের দৃষ্টান্তস্বল হইয়া থাকিবেন । বিদ্যাসাগর মহাশয় বলিয়াছেন, সীতা পতিপরায়ণতাগুণের পরাকাষ্ঠা দেখাইয়া গিয়াছেন । সাবিত্রী, পার্শ্বতী, শকুন্তলা প্রভৃতি কামিনীরাও তাহাই করিয়াছেন । ইহাদের মানসিকবৃত্তি আর সকলেরই সমান । কেবল ভিন্নরূপে একাংশ পাইয়াছে মাত্র । সীতা, দাক্ষিণ্য, সৌম্য প্রভৃতি যে সকল গুণ সকল সময়ে

সকল জাতীয় মনুষ্যের অলঙ্কার, সেই সকল গুণ ইত্যাদের সকলেরই অধিক পরিমাণে ছিল। যে প্রণয় মনুষ্যসদ'য় মণ্ডাহ'বত্ব, ইত্যার সেই প্রণয়ের আধারভূমি। স্মৃতিশাস্ত্রকারেরা স্ত্রীলোকের যে সকল কর্তব্য বশিয়া নির্ণয় করিয়া দিয়াছেন, কবিরা সে নিয়মের অনুবর্তী হইয়া চলিতে বাধ্য নহেন। কিন্তু তাঁহারা স্ত্রীলোকের যে সকল গুণ নির্ণয় করিয়া দিয়াছেন সেই সকল গুণ তাঁহারা স্পষ্টরূপে প্রদর্শন করাইয়াছেন। কোন নারীই প্রমাদ, উন্মাদ, কোপ, ঈর্ষ্যা, বঞ্চন, অভিমান, ধনতা, হিংসা, বিদ্বেষ, অহঙ্কার, পূর্নতা ছিল না। সীতা একবার মনে করিলেন, "বাহ! উৎকর্ষাগ বধিব" তাহার পরক্ষণেই বলিলেন, "যদি তখন মনেই সে বল থাকে।" সাধ্বী রমণীই ঈর্ষ্যা থাকে না। স্বামী ত্যাগ করিলেন বশিয়া সীতা বা শকুন্তলা তাহারও অভিমান হয় নাই উভয়ই আপন ভাগ্যেব নিন্দা করিতে লাগিলেন। যখন আবার স্বামী উপস্থিত হইলেন, শকুন্তলা একেবারেই তাঁহাকে আপনার করিয়া লইলেন। সীতা পাছে স্বামী রাগ করেন এই ভয়ে ব্যাকুল হইলেন। দক্ষ বলিয়াছেন, সাধ্বী রমণী পাইলে পৃথিবীই স্বর্গ, তাহার আর কোন সন্দেহ নাই। অনেক সৌভাগ্য না থাকিলে সাধ্বী বা শকুন্তলার স্ত্রীর ভার্য্যালাভ হয় না।

